

30

25

20

15

10

5

13  
863  
12

說約  
合參

四書正解

卷之十二  
論語子路



四書大金說約合叅正解卷之十二

丹陽吳荃藜右彙輯

受業門人陸觀成駿聲全校

殷其祥哲維

年三月  
氏寄曾

論語

子路第十三 凡三

十章

子路章全旨

首節言政本于身下節言政要諸久無倦非以益

先勞也正所以成其爲先勞也意無兩層○時說謂先勞就是身上看無倦就心上看不知身心一理身先

身勞就是根心上做出何待無倦處方說向心上去耶

子路問政子曰先之勞之

子曰

蘇氏曰凡民之一行以身先之則不令而

行凡民之事以身勞之則雖勤不怨

參大全子路問爲政之道子曰政也者本身以治民而已凡民之行則以身率先之欲民親其親必先之以孝欲民長其

長必先之以勤則行無不興矣。凡民之事則以身勤勞之，如循行阡陌，勸課農桑之類，則事無不舉矣。

析講 饒氏曰：集註先行勞事雖是

分本末而言，其寔皆政裏面事

## 請益曰無倦

無古本

作毋

吳氏曰：勇者喜於有爲而不能持久，故以此告之。○程子曰：子路問政，孔子既告之矣，及請益，則曰無倦而已。未嘗復有所告，姑使之深思也。

合參子路以為政亦多術矣，故請益于先勞之外焉。夫子以子路好勇，未免喜有爲而難持久，故告之曰：吾何以益術哉？亦惟于下先之，勞之者持之以久，而始終無倦已耳。雖民行已與而先之者愈加，民事已舉而勞之者愈力能如此而政無勿盡矣。

析講常常先勞，即是無倦，方不與進飭退速者等是，固不益之益。○無倦要切于路說，倦乘于惰者易知而伏于勤者難知。倦因于怠事者易見而生于喜事者難見，故欲其無之。

張氏曰：先之勞之，固足以盡爲政之道矣，而子路猶請益焉。

## 仲弓章全旨

此章見爲政篇識大體首節，告以爲政之大體，次

舉賢，一事另講，時說有以賢才，苟貫通章，者有以先有司，苟貫上節者皆不可從。

## 仲弓爲季氏宰問政子曰先有司赦小過舉賢才

有司，衆職也。宰兼衆職，然事必先之於彼而後考其成功，則已不勞而事畢，舉矣。過失誤也。大者於事或有所害，不得不懲。小者赦之，則刑不濫，而人心悅矣。賢有德者也。

有能者舉而用之，則有司皆得其人而政益脩矣。令參仲弓爲季氏家宰而問政于孔子，子曰：政有大體，如衆職之修廢，宰之任也。凡事必先分任，有司使各專其辦理，而吾惟考其成功，則已不勞而事畢，舉矣。庶獄之平反，宰之任也。于大罪不得不懲，而于小罪則樂從寬，赦以開其自新之路，則刑不濫，而人心悅矣。人才之用，舍宰之任也。于賢有德才，有能者，則舉而用之，與之同升，則有司皆

得其人而政益修矣爲宰之政何以出此

析講問政是問爲宰之政須切爲宰說有司宰所統也刑罰宰所用也賢才宰所在也舉賢才不兼已用者說有司各司一事者先字對後者其成功說省成而報最之未始非綜理也赦止小過則大罪不宥可知○太全朱子曰凡爲政隨其小大各有有司須先教他理會自家方可要其成且如錢穀之事其出入盈縮之數須是教他逐一自具來自家方可考其虛寔之成○宰家臣之長○宰之所屬有典財穀者典兵賦者典禮樂者○小過是凡民無心之愆不必作有司之過○舉賢才卽古鄉舉里選不限定舉作有司麟士曰按諸說宰字解如是時說緣要冠冕看作冢宰太宰宰字可笑

曰焉知賢才而舉之曰舉爾所知爾所不知人其

舍諸

焉於虔反

仲弓慮無以盡知一時之賢才故孔子告之以此程子曰人各親其親然後不獨親其親仲弓曰焉知賢才而舉之子曰舉爾所知爾所不知人其舍諸便見仲弓與聖人用心之大

小推此義則一心可以興邦一心可以在公私之間爾○范氏曰不先有司則君行臣職矣不赦小過則下無全人矣不舉賢才則百職廢矣失此三者不可以爲季氏宰况天下平

參序仲弓又問曰一人之間見有限焉能盡知賢才所在而舉之耶子曰所謂舉賢才者豈必盡出于已哉爾雖不能盡知豈無一所已知者但已知者舉之其下爾所不知者人亦必有知之矣秉彝好德人有同心人豈肯舍諸而不舉耶人之知卽爾之知何患賢才之不盡知不盡舉哉此舉賢才之大體亦卽爲政之大體也

析講蔡氏曰但自舉其所知之賢才則自有以感人好德之心化其姁嫉之念而人各舉其所知之賢才不必皆自我知而自我舉也故見聖人用心之大此令上三句皆是執要行簡之事○焉知炤註盡字仲弓非患金不知只患不盡知○按淺說人豈舍之而不我告似多此周折本文只說爾知爾舉所謂以天下之人知天下賢才舉天下賢才也必要人以知者告我皆使我舉則反涉私小耳

衛君章全旨

此章見明倫爲爲治之本正名二字是通章主腦

名之鑑正也未節結言君子必先正名言無

荀子正名而已矣與必也二字正相應

子路曰衛君待子而爲政子將奚先

衛君謂出公輒也是時魯哀公之十年孔子自楚反平衛  
參蒙引孔子時自楚反衛子路以爲將仕衛也厚設問曰衛  
君若虛位以待子而後爲政則子之所施設當以何爲先  
析講爲政二字屬衛君若屬孔子不用而字只曰衛君待子  
爲政也此子路設此問以觀夫子之仕衛不仕衛也出公  
蒯曠力子孟子作孝公

子曰必也正名乎

是時出公不父其父而禰其祖名實紊矣故孔子以正名爲  
先謝氏曰正名雖爲衛君而言然爲政之道皆當以此爲先  
參序子曰政莫大乎正倫使我爲衛爲政必  
也先正其父子祖孫之名使名稱其寔可乎

子路曰有是哉子之迂也奚其正

迂謂遠於事情言非今日之急務也

令參子路一聞此言不深思其意而率爾妄對曰有如是哉  
夫子之迂濶而不近于事情也爲政自有急務惟取今日所  
宜行者行之奚必以正名爲先也

析講大全馮氏曰夫子正名之論蓋不與輒也時輒已立十

四年矣子路之謂迂者蓋爲輒也

子曰野哉由也君子於其所不知蓋闕如也

野謂鄙俗責其不能闕疑而率爾妄對也

彖序子曰粗野哉由也君子但凡事理于其所疑而不知者則姑闕之不言以俟考問何得率爾妄對若此

析講劉上玉曰闕如二字在心

上講言此心闕然不敢自執也

名不正則言不順言不順則事不成

楊氏曰名不當其實則言不順

言不順則無以考實而事不成

令參我之欲先正名者豈迂哉亦見夫名爲萬化之原一不正而其弊有不可勝言者耳蓋名者名其寔也若名不正非君臣而強名爲君臣非父子而強名爲父子則稱謂之間便有碍而說不去了則言不順言既不順說不去如何行得去則事不成

析講大全陳氏曰集註于正名名不正凡三以寔字言蓋名

當其寔則名正名寔則名不正寔字于名最緊切○訓字不沒即指稱其名之言說事不成不是事不成就事卽成就也不成一个事體如此則禮樂不興方說得去若說事不成就便不消說禮樂不興○名不正如寔是父乃不父之寔是祖父乃父之便是名分不正也名分不正則口頭說出有碍如說父是我仇祖是我父予理順平壽不順便行不去如把祖做父把父做仇却與兵拒父承祖國祚便不成一个事體此事字與下註中政事之事不同此事字属于已者政事事字施于人者禮樂刑罰皆由名分而起如父予則行父予之禮祖孫則行祖孫之禮安頓得有次序便是禮無那乖争意便是樂今父子祖孫倒置如此則禮樂安在如犯父與犯祖不同刑律令明晰民知趨避苟名不正則論刑之際欲從犯父准乎欲從犯祖律平出入輕重俱失其平矣教民如何措手足事不成則禮樂不興禮樂不興則刑罰不中刑罰不中則民無所措手足

范氏曰事得其序之謂禮物得其和之謂樂事不成則無序

而不和故禮樂不興禮樂不興則施之政事皆失其道故刑罰不中

參大全至干事不成也而又何事不廢哉其措譖一身之間者顛倒錯亂而無序悖戾乖爭而不和而禮樂不興矣禮樂不興則凡施之政事者無非私意率皆倒行逆施刑罰所及非不善人而不中刑罰不中則民欲爲善而善卒不免欲爲惡而惡不可爲莫知趨避之路矣將安所

措手足乎夫名不正之弊一至于此

析講名不正句是大頭腦下五者皆其流弊也名不正下五者便一齊都到但節節推出來耳非有先後次第也名即君臣父子之倫言者稱此名者也事者行此名者也禮樂者節文此名者也刑罰者所以輔翼此名者也而民安者又所以風國而使名分之久而不替者也名不正而至于民無所措手足則流弊已極而國不可爲國矣○自言不順至禮樂不興就害及自身言自刑罰以下就害及民言吳氏曰此禮樂非玉帛鐘鼓之謂事事物物得其理而有制之謂也事失其理而不和慶賞刑威無一中節獨言刑罰者賞過則滯利及小人刑過則淫禍及君子舉其害之重者言之○朱子

# 故君子名之必可言也言之必可行也君子於其言無所苟而已矣

日事不成以事言禮樂以理言蓋事不成則事上而都無道理了說甚禮樂

程子曰名實相須一事苟則其餘皆苟矣○胡氏曰衛世子蒯聩恥其母南子之淫亂欲殺之不果而出奔靈公欲立公子郢郢辭公卒夫人立之又辭乃立蒯聩之子輒以拒蒯聩夫蒯聩欲殺母得罪於父而輒據國以拒父皆無父子之人也其不可有國也明矣夫子爲政而以正名爲先必將具其事之本末告諸天王請於方伯命公子郢而立之則个倫正天理得名正言順而事成矣夫子告之之詳如此而子路終不渝也故事輒不去卒死其難徒知食焉不避

其難之爲義而不知食輒之食爲非義也參家引是以君子之爲政也知名不正則言不順故惟無所名則已名之必要正而可言若不可言不敢名也知言不順則事不成故惟無所言則已言之必要順而可行若不可行

不敢言也必可言必可行不敢苟之道也君子于其稱名之言務求當其寔無所苟且而已矣名之一事苟則一事苟則其餘皆苟外無餘矣然則爲政必先正名非迂也

析講此節以名字爲主言卽言此名行卽行此名也名必可言對上言不順說言必可行對上事不成說末二句見繫要只在此故下而已矣三字見正名之外無他急務也○此節要提起各之二字看二必字着力說是務要如此之意二之字指所名所言者說君子於其言二句只是名不可不正也獨舉言者有其名必有其言也言無所苟卽作稱名無所苟非歸重言也註一事猶云二件苟卽名不當寔便是苟也餘皆苟指言不順以下諸條而已矣三十字見得一正客便都了該子得刑政禮樂等事首二句

正言此二句又反言以決之

### 樊遲章全旨

此章是夫子廣樊遲以經世之學術重在上好禮三段

### 樊遲請學稼子曰吾不如老農請學爲圃曰吾

#### 不如老圃

種五穀曰稼種蔬菜曰圃

參序昔樊遲以務本少農乃浪生之常道請學治稼之事子曰惟老子農者精于稼吾不如老農安能爲子言稼也遲以圃之事比稼爲易請學爲圃子曰亦惟老子圃者精于圃吾不如老農隱然見吾之道初ヨリ

析講吾不如老農老圃隱然見吾之道初ヨリ不在此區區稼圃間也已伏未篤意在內既欲事其事則亦人其人矣小人哉識趣卑陋樊須之所爲也

析講大全陳氏曰此小人以位言下文集註云禮義信大人之事也是自此小人上推廣而對言之小人猶言農人圃人

也。南軒張氏曰：孟子所謂有大人之事，有小人之事，正本此意。

上好禮則民莫敢不服，上好義則民莫敢不服，上好信則民莫敢不用情。夫如是則四方之民襁負其子而至矣焉。用稼。

好去聲，夫音扶磯，居文反焉，於虔反

禮義信，大人之事也。好義則事合宜，情誠實也。敬服用情，蓋各以其類而應也。襪織縷爲之，以約小兒於背者，楊氏曰：樊遲遊聖人之門，而問稼圃，志則陋矣，辭而闕乏可也。待其出而後言其非，何也？蓋於其間也，自謂農圃之不如，則拒之者至矣。須之學疑，不及此而不能問，不能以三隅反矣。故不復及其既出，則懼其終不喻也。求老農老圃而學焉，則其失愈遠矣。故復言之，使知前所言者，意有在也。

參大全夫，吾人自有大人之學在也。上誠好禮，而能以持已，則民莫敢不敬。上誠好義，而所行合宜，則民莫敢不服。上誠好信，而至誠接物，則民莫敢不用情。夫禮義信盡于上，而敬

析講蒙引

自上好禮，至末都是吾不如老農句之意。

○麟士

服用情類應于下，如是前居大人之位，有大人之德，四方之民皆聞風向慕，襁負其子而至，自歸之而爲之耕稼矣。豈用自耕稼哉？如遲所請，不但不屑爲，亦不必爲矣。

云稼圃之間，只主細鄙近利，爲確無隱逸忘世之意，則民云者，言上如此，民卽如此也。此節全要根大人經世之學，意說得透徹，若只講上下感應話頭，便顧奴失主。○三好字對二字，學字三上字，對小字，禮義信對稼圃字，通是儒者當學爲大人之事。○上字對小人而言，只是治民之人便是，不必指爲君者，說三好字都要根心裏說到，用上去，凡出身加民處俱是用也。敬服用情，三畏就一國之民應上言，下四方之民，則不必爲意，蓋大人之學術作用如此，不外正吾儒所當學者，聞風而至者也。夫如是，四句總見稼圃之事，非惟不屑爲，亦不論窮達也。未見過，未得民而治，而禮義信之學，不可不立裕于平居，今何不學大人之事，而欲學小人之事哉。○王觀

濤曰：禮義信俱兼本之，身心而達之，政事者，言好禮，則根心不敬而達之乎？品節文章之盛，皆禮也。好義，則根心之制而達之乎？張弛舉措之宜，皆義也。好信，則根心之誠而達之乎？

條教號令之不敢欺，皆信也。用情猶云以寔也。謂致其誠于我。

誦詩章全直

此章見學詩貴以心得爲寔用也。註本人情四句見詩有資于政。其言二句見詩有資于言。詩本有

用故貴善體驗以致諸用也。未多字正與三百字相應。

子曰誦詩三百授之以政不達使於四方不能

專對雖多亦奚以爲

使夫

專獨也。詩本人情該物理可以驗風俗之盛衰。見政治之得失。其言溫厚和平長於風諭。故誦之者必達於政而能言也。

○程子曰窮理將以致用也。世之誦詩者果能從政而專對乎。然則其所學者章句之末耳。此學者之大患也。

參大全子曰誦之爲用至無方也。人情邪正苦樂咸見。詩其邪其善。此見風俗之衰。本于政治之失也。其正其樂此見風俗之盛。本于政治之得也。讀詩而有得焉。則法其所以得而盛者。戒其所以失。而衰者。故達于政。詩之言詞多婉曲。風諭而不直致。使者所以傳君命措詞最難。才委靡則流于弱。

而取侮下人才剛直則又恐激怒而貽禍于國。讀詩而有得焉。則婉正得體。不辱君命。而可以專對。若誦全詩盡二三百篇。可謂多矣。宜其達于政而能言矣。乃授之以政。少達于政。施于四方。不能專自應對。是徒有記誦之功。

全無心得之益也。則誦詩雖多亦奚用哉。

析講問誦詩三百。何以見其必達于政。朱子曰其所載可見。如小夫賤隸間巷。至鄙俚之事。其情狀皆可因此而知之。而聖人所以修德施業者。莫不備誌于詩。有得則知。如何。是合做底事。如何。是不合做底事。如何。于政不達。又問如何。使四方必能專對。曰。詩之教溫柔敦厚。于詩有得。必是于應對言語之間。委曲和平。不違如不當行。而行當行。而不行或行之。而裁處不當于理。皆是非謂不通曉也。專對是自己長于詞令。不煩介使助之。也不能專對。不是一詞莫措。只是對答不善。尚須介紹之助也。○達與專對非誦詩時。便思量要。如黃氏曰。亦觀其所以讀之者。何如。耳爲人耶。爲已耶。誦說耶。踐行耶。齒莽耶。精切耶。二者之不同。而能不能判矣。驗之于心。浹洽而貫通。體之于身。切寔而專確。則奚不能之足患哉。

其身章全旨

此爲當時之在上者詳平法令而忽于躬行者發見教民者當以身先令民爲善亦不可廢但身爲本耳

子曰其身正不令而行其身不正雖令不從

合參子曰上之教民也不在于令而在乎身若使在上者盡倫理謹言動而其身正矣則表率有地雖不必號令以驅使之而民自率從化無不行也若其身不正而徒以言教雖號詔諄切亦不從我以正故正人必自正已始

魯衛章全旨

此夫子感于魯衛之衰而嘆也

兄弟是相似而無優劣之謂

子曰魯衛之政兄弟也

魯周公之後衛康叔之後本兄弟之國而是時衰亂政亦相似故孔子嘆之

參存子曰魯與衛本兄弟之國今就其

紀綱法度言之其政亦正好似兄弟也

析講遺風猶在而無人以振起之有惜之意有美之意

須重魯看以魯秉禮教而亦同于衛故夫子嘆之。大全文氏曰是歲魯哀公七年衛出公五年也衛之政父不父子不子魯之政君不君臣不臣卒之哀公孫子邾而死于越出公奔宋而亦死于越其不相遠如此。

在夫子口中此等意要渾然不露

深求

子謂章全旨

此夫子取衛大夫以風世意當時世祿之家怙侈成風子荆獨不然故夫子稱之足在知足上不必

子謂衛公子荆善居室始有曰苟合矣少有曰苟完矣富有曰苟美矣

公子荆衛大夫苟聊且粗鄙之意合聚也完備也言其循序而有節不以欲速盡美累其心。楊氏曰務爲全美則累物而驕吝之心生公子荆皆曰苟而已

則不以外物爲心其欲易足故也

參大全夫子慨世祿之家多怙侈而稱公子弗以示則也嘗謂衛有公子荆者以世祿之曹本夫之尊乃能善于居室而

有恬淡之風焉何以見其善也蓋公子荆本不以家計營心凡器物用度當其草草初具而始有也在他人心求其盡備當其充足有餘而富有也在他人心必求其精美而後爲快荆則日今已苟且華美矣貧居有節既見其不以多財自累富而無驕滿而不溢非賢而能之乎此可爲居室之法

析講三有字不止是器用家中凡事所須者皆是善居室善治家也三矣字見得荆之知足處甚家而曰善只是註中循序而不欲速有節而不期盡美意盡躁心勝者每病于速成貪心勝者務求于多得可見處家之難而子荆獨善也○陳氏曰由合而完由完而美既見其循序漸進而無欲速之心而其合完美皆曰苟而已又見其所欲易足而有節曾無盡美之心

子適章全旨

此章因感衛民而發王道之全不眷着衛民上富教總是保其庶二加字見聖賢惓惓爲民之意

子適衛冉有僕

僕御車也

序子適衛冉有爲之修車而行

子曰庶矣哉

庶衆也

參序子見衛之人民而嘆曰庶矣哉何其生齒之衆也蓋嘆其民之既衆而澤可遠施亦其治之無術而徒負此民也

冉有曰既庶矣又何加焉曰富之

庶而不富則民生不遂故制田里薄賦斂以富之

參序冉有曰有國者固欲民之庶然不宜止于庶也既庶矣當何道以加之子曰庶而不富則無以厚其生而庶不可保矣必也制田里薄稅斂以富之而後庶者長庶也

析講饒雙峰曰田是所耕之田孟子所謂百畝之田勿奪其時是也里是所居之里孟子所謂五畝之宅樹墻下以桑是也田出粟穀里出布帛有粟則不飢有布帛則不寒二者富

曰既富矣又何加焉曰教之

富而不教則近於禽獸故必立學校明禮義以教之。○胡氏曰天生斯民立之司牧而寄以三事然自三代之後能舉此職者百無一二漢之文明唐之太宗亦云庶豈富矣西京之教無聞焉明帝尊師重傳臨雍拜老宗戚子弟莫不受學唐太宗大名名儒增廣生員教亦至矣然而未知所以教也三代之教天子公卿躬行於上言行政事皆可師法彼二君者其能然乎

參序冉有曰有國者固欲民之富然不宜止于富也既富矣又何道以加之子曰富而不教則無以正其德而富不可保庶亦不可保矣必立學校明禮義以教之而後庶而富者可長保也一問答間而王道大端盡于此可

見聖賢仁民之意無窮而施之爲有序也

析講衛之始封康叔受引養引惄之命以保久斯民受率孝  
卒弟之命以作新斯民此富教之法程具在也惜乎此時民庶雖存而康叔之政已衰矣庶哉一嘆便隱然有富教之意在言外富之內以制產以阜其富薄敘以藏其富意立說敘之內以建學爲立敘之地明倫爲施敘之方意立說者加則既庶之民可保矣蓋庶而不富則迫于飢寒難保此庶之不離散富而不教則禮義不聞難保此庶之不相殘故富敘二字俱從庶之一字加之非富加于庶敘又加于富也庶矣哉作頭下富敘都是爲庶也○庶哉一嘆幸衛之有民而又慨衛之徒有其民故兩有何加之問○加猶施也非有益于庶也○庶在民者也富之敘之全在兩之字是責成在上者意要體會○庶而富則民生厚富而敘則民德正此帝主作君師之事也

苟有章全旨

此聖人自擬用世之效以望世之終其用

子曰苟有用我者朞月而已可也三年有成

朞月謂周一年之月也可者僅辭言綱紀布也有成治功成也○尹氏曰孔子歎當時莫能用己也故云然愚按史記此

蓋爲衛靈公不能用而發

參大全夫子有感而言曰當今之世固無劣我者矣苟有人焉不病吾道之難行舉國以從而能用我者雖用至暮月一年之間而國政之弊者以革廢者以興大綱小紀漸以就理庶乎其可觀也若用我至干三年便財足兵強教行民服治功已定治道大備而有成矣然其如無用我者何哉

析講張氏曰三年之所成者卽舉月所立之規模充之而已○用我非嘗試而使之也舉國委已而聽之也暮月而大綱小紀次第可舉三年則治定功成化行俗美所謂至于道也○葉少蘊曰定公以太子爲中都宰一年而四方則之夾谷之會攝行相禮齊人遂歸魯侵殤及爲司寇弗羔豚弗餉賈男女行者別于塗每用輒怒如此况委國而聽之至二年之久哉○附錄年譜孔子五十九歲適衛靈公老怠於政不用孔子孔子喟然嘆曰苟有用我云云在衛月餘去衛適曹曹人不答去曹適宋

善人章全旨

此夫子見當時爲上者以殺止殘不知以善消殘故思善人久道之化非不足以盡之詞誠哉是言有慨慕願見之意是信善人之治非此信其有是言也

子曰善人爲邦百年亦可以勝殘去殺矣誠哉是

言也

勝平聲

爲邦百年言相繼而久也勝殘化殘暴之人使不爲惡也去殺謂民化於善可以不用刑殺也蓋古有是言而夫子稱之程子曰漢自高惠至於文景黎民醇厚幾致刑措庶乎其近之矣○尹氏曰勝殘去殺不爲惡而已善人之

功如是若夫聖人則不待百年其化亦不止此

參大全夫子思見善人之治也曰古語有云善人爲邦而兌天下累世相繼至于百年之久則善之漸染于民者深亦可以化殘暴之人使皆歸于善而民無極惡大罪不用刑殺矣以今觀之誠哉是言信有此理也吾得見善人爲邦斯可矣析講起處要提古語字方見二句是成語善人是有善于已者善人則既感化之有機而治天下百年則又積累之既久故可以化惡而去殺勝者化之使舊迹俱泯也誠哉是言蓋度其理勢之所可至而信古人之言不誣也春秋之時已成一殘殺世界追思古語全是由亂思治意○人非生而善殘特

君子不善而無善者以倡率薰陶故殘不勝而殺不止耳惟其能勝殘所以可以去殺謂之亦可者似有未能必其殘果盡來動斯和民日遷善而不知此聖人事善人定是未便得如既然也做百年工夫積累到此自是亦能使人興于善不附去殺○尹註若夫聖人云云暗含下意思

### 如有章全旨

此見王者之治無近功如有二字有企慕與望之意總是有欲爲君者知非王道不可以治天下非悠悠

久不可以成王道也

### 子曰如有王者必世而後仁

王者謂聖人受命而興也三十年爲一世仁謂教化浹也程子曰周自文武至於成主而後禮樂興卽其效也○或問三年必世遲速不同何也程子曰三年有成謂法度紀綱有成而化行也漸民以仁麾民以義使之浹於肌膚淪於骨髓而禮樂可興所謂仁也此非積久何以能致

合衆子曰世之論治號不稱王者之仁而仁亦未易言也如

有聖人受命而興而爲王者欲德教浹洽于天下無一人之不善必其仁心仁政薰陶涵育積累至于千十世而後久道化成天下同歸于仁也夫豈速效哉治以至仁

爲極而仁以必世爲期彼以且夕責效者陋矣

析講王者謂有德有位有時者也仁字主王者之仁心仁政浹洽乎人心移易乎風俗者言所謂薰蒸透徹融洽周遍無處不然無人不然者也決是自內及外皆仁之意○大全朱子曰自己之仁而言之這個道理浸灌透徹自天下言之舉一世之人皆是這個道理浸灌透徹○饒氏曰仁者以天地萬物爲一體須漸仁摩義節禮和樂使其化薰蒸透徹融洽周遍以至四海之內無一人不歸于善方謂之仁如堯舜之世固是黎民於變然必三苗既格聲教無處不徹方見堯舜致治之仁此亦見仁澤難洽而王道無近功也○張氏曰使民皆由于仁非仁心涵養之深仁政薰陶之久莫能然也故俟必世而禮樂教化始能融貫施洽也上文勝殘去殺迎能去人之疾仁則使之元氣渾全而自無疾者也

### 苟正章全旨

此章見人臣輔治之本

子曰苟正其身矣於從政乎何有不能正其身如正人何

參序子曰凡政皆本于身苟自正其身矣遵守禮法輔上帥民獎見形端影正令出惟行于大夫而從政平何有如不能正其身則相導以邪其如正人何哉此可見從政者正身爲要也

析講于從政句與未句相照正身則能正人故從政不難下二句從政意在言外○人字只就民言不兼君說

冉子章全旨

此章諷弟子而警雜臣以正名分之意

冉有退朝子曰何晏也對曰有政子曰其事也如

有政雖不吾以吾其與聞之

朝音潮與去聲

冉有時爲季氏宰朝季氏之私朝也晏晚也政國政事家事以用也禮大夫雖不治事猶得與聞國政是時季氏專督其政夫子爲不知者而言此必季氏之家事耳若是國政我嘗爲大夫雖不見用猶當與聞今既不聞則是非國政也語意與魏徵獻陵之對略相似其所以正

名分抑季氏而教冉有之意深矣

參序冉有爲季氏宰貞其私朝而退來見夫子子曰退朝有常期今日何獨晏也對曰適有國政而議之所以晏也子曰此必其季氏之家事也若是國政則豈嘗爲大夫今雖不見用于禮猶得與聞之而得以上下其議茲既不聞則是非國政明矣夫子言此所以正名分抑季氏而教冉有之意深矣析講吳氏曰政事泛言之則通別言之則大曰政小曰事公朝之事曰政私家之事曰事古者大夫雖致仕國有大事亦必與之共謀蓋詢黃髮之意若小事則不然耳○此夫子據禮按迹以正名分而不以政與家也○厚齋馮氏曰臣見君子若爲不知者而言此以正之可謂微而顯婉而嚴矣○晏非旦晚退朝自有常期今獨遲耳○政與事只論公私不論

大小其事也勿作疑詞夫子明知是國政但議于家則雖政亦事矣○翼註有政是寔諾但夫子欲諷他私議國政之非故反其詞

定公章全旨

全章言邦之興喪決于君心之敬肆定公求興邦于言夫子要他求一言于心興邦邊重爲君難句喪邦邊重不善莫違句前着眼知字二知爲君難便不見莫子達之樂後着眼樂字三樂莫子達便不知爲君之難敬肆之係于興喪者如此夫子語意全是警策

定公之爲君章內四幾字夙作期必看

定公問一言而可以興邦有諸孔子對曰言不可以若是其幾也

幾期也詩曰如幾如式言一言

之間未可以如此而必期其效

參序定公問于孔子曰國之興也恒與善焉以致治不知一言之間而可以興邦有諸乎孔子對曰一言甚微固不可以若是乎必期其有興邦之效也

人之言曰爲君難爲臣不易聲

當時有此言也

參序然亦有之嘗聞人之言曰爲君以主濟其責甚難爲臣以輔治其責亦不易當時之言如此析講爲君難者上承天命而下係人心也爲臣不易者輔君以承天而治人也總是責任惟艱且不要說出敬畏來天下節知字中有自責自修之意天下豈有憂勤惕勵之君而尤能致治者故曰一言可期于興邦○麟士云二句平說夫子引之則止取上一句耳王氏人言中先作低昂非是臣也

如知爲君之難也不幾乎一言而興邦乎

因此言爲君之難則必戰戰兢兢臨深履薄而無一事之敢忽然則此言也豈不可以必期於興邦乎爲定公言故不及

參序爲君者如因此爲君難之一言而能知其難也則必戰

兢以固之無一事之敢忽而天命可叢人心可固矣

然則此爲君難之一言也不可以期必于興邦乎

析講如知不是空知是體認爲君難一言而兢兢業業以爲

乏知難處就是爲難處爲難處就是興邦處○如知句內雖

出吾其難而先臣隣以祗勤率臣工以交儆意亦好

曰一言而喪邦有諸孔子對曰言不可以若是其幾也人之言曰予無樂乎爲君唯其言而莫予違也

喪去聲下

也

同樂音洽

言他無所樂唯樂此耳

參序定公又問曰國之亡也嘗因不善之言以致禍不知一言之間而可以喪邦亦有諸乎孔子對曰一言之微固不可以若是乎必期其有喪邦之禍也然亦有之嘗聞人之言曰予爲君他無可樂惟其子之言一毫而臣良莫之

敢有違背者此則爲君之樂也時人之言如此

析講上人言是言人君下人言是君自言

如其善而莫之違也不亦善乎如不善而莫之違也不幾乎一言而喪邦乎

范氏曰如不善而莫之違則忠言不至於耳君日驕而臣日謗未有不喪邦者也○謝氏曰知爲君之難則必敬謹以持之惟其言而莫予違則讒諂面諛之人至矣邦味必遽興喪也而興喪之源分於此然此非識微之君子何足以知之○熟序如其君言之善有關於國計民生而人莫之違也則喜起致治不亦善乎如其君言之不善有害于民有損于國而人莫之違也則忠言不至于耳君日驕臣日謗而國不可保矣然則此莫違之言也不可以期必于喪邦乎

君其加之意而審其所以興鑒其所以亡可也

析講大全金氏曰興邦不在一言而在君心于此一言如何耳故前一節舉人之言矣必曰如知後一節舉人之言矣必曰如其善不善○蔡氏曰莫違本是不好的話又開出善不善兩路相形聖人詞氣溫和如此重如不善二句○言莫予違兼臣民言莫之違單指臣言言之善如有關於國計民生

之至計不亦善乎不搃治言猶言無不可者如云君樂臣之從善而非驕也臣樂君之有善而非謗也此二句只以起下二句意不重意只重在答喪邦也

君驕臣謗則國事日非故喪邦也

### 葉公章全旨

此見爲政以得民心爲本夫子告之以此欲葉公驗民情以自考也

### 葉公問政

音義並見第七篇

序楚令葉公問政于孔子

附錄風俗通義曰謹按春秋左氏傳葉公子高姓沈名諸梁忠于社稷惠恤萬民方城之外莫不欣戴白公勝作亂殺于西子期劫惠王以兵葉公自葉而入至于北門或遇之曰君胡不胄國人望君如望慈父母焉盜賊之矢若傷君是絕民望也若之何不胄乃胄而進又遇一人曰君胡胄國人望君如望歲焉人知不死其亦無有奮心猶將旗君以徇于國而又掩面以絕民望不亦甚乎乃免胄而進之與國人攻白公奔山而縊生烹石乞迎反惠王退而老于葉及其終也葉人

### 子曰近者說遠者來

說音悅

被其澤則說聞其風則來然必近者說而後遠者來也合衆子曰善爲政者亦觀政于民而已民有在吾境內而爲近者能使之被其澤而感悅則可以知能通之政矣民有在吾境外而爲遠者能使之聞其風而來附則可以知桑遠之政矣

析講近說遠來非政也所以使之說來者必有政以致之也勿用着力說只依本爻云能使近說遠來而政可知矣言外便見得不說來必吾之政遠善也爲政者可不觀之民以自考乎葉公佐楚伯只是以力服人不知政本在得人心故夫子告之如此○大全黃氏曰有意以求其悅且來則必有不悅不來者矣行吾之所當行而其效如此乃所謂政○愧非驩虞妃近之則不厭來非強附如遠之則有望是也○存疑聞風不是聞近者悅之風乃是聞爲政者之風○附錄莊氏曰楚以襄產之不仁殺郤宛而興謗而近者不悅拘唐蔡之君以求馬佩而遠者不來故楚難以興若不及其道何以爲治

子夏章全旨

子夏規模狹隘，夫子直以王道之悠遠博大者，期之無欲速一句戒之也。下指出當戒之故全在心上說。

子夏爲莒父宰問政于曰無欲速無見小利欲速則不達見小利則大事不成

父音甫

莒父魯邑名，欲事之速成，則急遽無序而反不達。見小者之爲利，則所就者小，而所失者大矣。○程子曰：子張問政，子曰居之無倦行之以忠。子夏問政，子曰：無欲速，無見小利。子張常過高而未仁。子夏之病，常在近小，故各以切己之事告之。合參子夏爲魯莒父邑宰問政，子曰：爲政有二弊，方爲其事旋責其效，是爲欲速。子之爲政必無欲速，而盡之以從容持之，以悠久可也。狃于淺近，以爲便計，是爲見小利。子之爲政必無見小利，而廣大其志意，宏遠其規模，可也。何則？政以能達爲期，然必有漸而後可達。若欲事之速成，則凡所措施，急遽無序，或限于時勢之難通，或阻于施爲之弗逮，而反不達矣。政以大成爲期，然必所志者大，而小者不得以域之。若見小者之爲利，則志願易盈，所就者小，澤不能以遠施化，不能

以廣被而大事不成矣。可勿戒。  
析講欲字見，字有味。蓋政有遠近，皆自心之所欲始。政有大小，皆自心之所見始。欲速者，有躁心而始事，則急于責成也。見小利者，有隘心而小功遽以爲效也。一欲速，則爲教爲養，便不能次第施爲了如何，可達。見小利，便只在月前經營，不知如何成大事。此其所以當戒。○欲速則不達。如十日路，一日便要到，必至車隕馬傷，而反不得到矣。見小利，則大事不成。如子產惠而不知爲政，慕伯功之驩虞，便昧于王道之廣大矣。○爲政須以遠大自期待，如養民必無小夫，遂其生，教民必無小夫，不復其性。方是遠大。若見得民畧，能自立，不致爲餓莘畧，斂戢不大爲惡，便說治已至矣。則其治確，無小康而止耳。安能至于遠大？故曰：大事不成。○按政亦有當速，亦當小利。不遺弊，在欲字見，字此就其爲政之心，而指予夏所有之病也。○欲以心之所期，言見以心之所識，言俱在心，上戒他。

葉公章全旨

葉公論直以迹，夫子論直以心，之真註天理人情，總不外真心。

葉公語孔子曰吾黨有直躬者其父攘羊而子盜之

語去一聲

直躬直身而行者有因而盜曰攘

參序葉公語孔子曰吾黨有直身而行無私比者其父攘人之羊而已爲之子乃從而證明其事夫父子尚如此直何如乎

孔子曰吾黨之直者異於是父爲子隱子爲父隱直在其中矣

爲去一聲

父子相隱天理人情之至也故不求爲直而直在其中○謝氏曰順理爲直父不爲子隱子不爲父隱於理順飛瞽瞍殺入舜竊負而逃遵海濱而處當是時

愛親之心勝其於直不直何暇計哉

參太全子曰吾黨之所謂直者殆異于是爲父者爲子隱其過爲子者爲父隱其過不以聞之于人蓋父子主恩委曲以全恩雖不得正謂之直然情理所當然順理而行而直在其中

析講相隱內含望其改過遷善之意此隱處亦是非太故非下十分絕天理事也若石碏不隱其子厚李灌不隱其父懷光此以大義滅親又當別論○胡氏曰是日是而非有謂有無謂無日直直之常也父爲子隱子爲父隱權也故曰直在其中○直在其中非指隱以爲直也只是隱其所黨隱于天理人情爲正雖曲亦直也如學以自修而祿在其中亦然○直者信心而行愞心而止非徒直身而行也謙則直在而忘其親隱則一念知其親而忘其直子父相隱適得子父相爲之心天理上宜有此斡旋人情上宜有此轉移故曰直在其中氣說下勿斷乎

樊遲問仁子曰居處恭執事敬與人忠雖之東狄不可棄也

恭主容敬主事恭見於公敬主乎中之夷狄不可棄勉其固

守而勿失也。程子曰：此是微上微下語聖人初無二語也。充之則聳面益背，推之則駕恭而天下平矣。胡氏曰：樊遲問仁者三，此最先先難大之愛人者其最後乎？合參樊遲問仁予曰：仁者隨時隨處而咸在者也。爲仁者亦體此理于心而不忘已耳。時乎居處此心無所作爲必儼然肅恭而不敢惰慢而心存于居處之時矣。時乎執事則此心要應事必肅然敬謹而不敢怠忽而心存于執事之時矣。時乎與人之時矣且此恭敬忠之心要固守勿失雖之夷狄不可離而棄之也。心常存則理常得而仁在其中矣。

折講饑雙峰曰：無事時此心無所作爲只可于容貌上着个恭及至事來則此心便要應事若心不在事上爲事便要肉菴所以着个敬至于接人則此心須要視人猶已不可容些欺僞所以着个忠。○居處時恭則仁便在居處上執事時敬則仁便在執事上與人時忠則仁便在與人上若能常常如此雖之夷狄不棄此仁便無間斷。○存疑藜則一身動靜皆由于理矣。敬則事事皆得其理矣。忠則待人不失其道矣。故曰心存而理得。○恭是心不慢敬是心不肆忠是心不欺方三

子貢章全旨

此章重行已二字首節用世之才亦根于行已之接時不單燕居獨處執事與人則應接矣謂之雖者舉夷狄之地以見無時無處不當操存恭敬忠而弗失也。

志次節立本才雖不足以近干行已之有耻者三十節本末皆無足觀然猶愈于行已之無耻者故皆可以爲士未節今之從政只因行已上全虧了。有才無才俱不足論。通章要見聖人取節之意蓋才節兼全。固士之最優下此則寧可無才不可無節此聖人論士之旨也。○胡氏曰：須看本末二字。蓋士之所以爲士者行其本也才其末也。志有所不爲而才足以有爲是本末俱有可觀其次則但取其本立其次則本末皆無足取猶不失爲自守故。

日下此則市井之人不復可爲士矣。

子貢問曰：何如斯可謂之士矣？子曰：行已有恥，使於四方不辱君命，可謂士矣。

此其志有所不爲而其材足以有爲者也。子貢能言故以使

事告之益爲使之難不獨貴於能言而已。參大全子責問曰五爵士居其列四民士爲之先果何如斯不愧其名而可謂之士矣子曰士以守身爲本亦以適用爲能若其行已也以道義爲太閑凡非義之事皆有恥而不爲是其志有所不爲而本立矣及其出使于四方則剛柔合體一言一動皆足爲國之光而不辱君所以命我之任是其才又可用而足以有爲矣有體有用如此斯可謂之士矣。

析講不以立已而以行已就上看出一人耻心蓋耻已之

不爲聖賢有無限作用在可以有爲卽寓于有所不爲內也與不脅不驕者稍別才足以爲不止使事不辱命特行已有耻之本端故揭言之四方以鄰國言不辱凡威儀進退言語之盡善皆是不但專對之能也寔副其名故曰可謂士矣。

曰敢問其次曰宗族稱孝焉鄉黨稱弟焉

弟辛聲

此本立而材不足者故爲其大

參序子貢又曰全才不可多得敢問其次而以爲士者子曰士固以才志兼全爲貴然與其志不足德可才不足今有入焉能盡愛敬之寔內而宗族則利其孝焉外而鄉黨則

稱其弟焉此其才有不足而大

本以立者亦可以爲士之大矣

析講大全朱子曰孝弟豈不是第十一等人而聖人未以爲士之上者僅能使其身無過而無益于人之固守下夫之行而不能廣其固有之良心也○饒氏曰行已有耻是事事不苟且孝弟只是士行中之一端稱孝弟以鄉黨宗族見之必真故取以爲據○蒙引孝弟爲仁之本乃由此充去非謂止此也堯舜之道孝弟而已是舉其大而無所不包者所謂立愛惟親立敬惟長始于家邦終于四海者也亦非止孝弟一節此章所言是只此二者而已

曰敢問其次曰言必信行必果硜硜然小人哉抑亦可以爲次矣

行去聲硜

苦耕反

果必行也硜小人之堅確者小人言其識量之淺狹也此其本末皆無足觀然亦不害其爲自守也故聖人猶有取焉下此則市井之人不復可爲士矣

參太全子貢又曰孝弟亦難盡者敢問其又次而可以爲士者

子曰言行人之大端焉其失之放蕪寧可失之拘執今有人焉知言貴信卽未必合理而未必信知行貴果卽未必合理而亦必果經硜然執其小節堅確不移與大人之變化合宜者有異始識量淺狹之小人哉然而非惡此與誕

漫苟且之人則不可同日語抑亦可以爲大矣

折講硜硜是狀其必信果之貌此人徒守不自信果不知隨時順理乃識淺而不能見遠羣狹而不能容大與大人之不必信果而惟義所在者迥別故曰小人然肆守得定亦行已者之所不廢故亦取之○本全馮氏曰言不必信行不必果孟子謂之大人惟義所在而不拘執所應者廣也言必信行必果孔子謂之小人確于自守而不可轉移所成者狹也

曰今之從政者何如子曰噫斗筲之人何足算也

筲所交反算亦作筭悉亂反

令之從政者蓋如魯三家之屬噫心不平聲斗量名谷十升○竹器容斗升斗筲之人鄙細鰥艱器量所容幾何本末既無足觀言行亦無可取何足算而數之也

析講大全朱子曰子貢平日雖有皎皎意思這章却是大段平寔了渠見有耻不辱不是些小事故又問其次凡此節次皆是要向平寔處做工夫每問皆下到今之從政却問錯了聖人便與他截斷○朱氏曰此章因人施教而見爲士之道又曰此章兼志趣才能德行仁守言子一路問士則專自人倫交際言○翼註斗筲之人主器量容受說蓋他胸中所容受者此有世味更無道德止有俗情更無名節故以斗筲借言正所以取狂狷意取狂狷在志節上

子曰不得中行而與之必也狂狷乎狂者進狷者有所不爲也

狷音絅

行道也。狂者志極高而行不掩。狷者志未及而守有餘。蓋聖人本欲得中道之人而教之。然既不可得而徒得謹厚之人。則未必能自振拔而有爲也。故不若得此狂狷之人。猶可因其志節而激厲。裁抑之以進於道。非與其終於此而已也。○孟子曰。孔子豈不欲中道哉。不可必得。故思其次也。如琴張曾晳牧皮者。孔子之所謂狂也。其志寥寥然。曰古之人古之入夷考其行而不掩焉者也。狂者又不可得欲。得不屑不潔之士而與之。是狷也是。又其次也。

今參子曰。吾之道中而已矣。中道而行之土。本吾所欲得。以傳道者也。今既不得中行之人。而授之以道。然則吾所與者必也其士之狂狷乎。吾之有取于狂狷者何也。蓋道非委靡者所能勝。而狂者則志氣極高。進而有爲。以取于善道。非卑汚者所能勝。而狷者則節守有餘。知不善之不可爲。而斷然有所不爲也。各就其過不及處。而皆加以激勵。

裁成之教。卽將來之中行也。微斯人其誰與歸。

析講

太全胡氏

曰。道猶路也。故行亦道也。

張氏曰。中行謂中

道上行者。○朱子曰。中道之人。有狂者之志。而所爲又精微

有狷者之節。又不至過激。此極難得之人。○蒙引此章言中

行在狷。雖據現在而言。其實都是指資上做出的。不然知行不過而中行了。聖人又何用復傳他道。蓋所云皆是資質剛毅木納近仁。亦如此焰看。自見。○二句是就他好處說。言之所以有取于狂狷者之意。非謂進取。是知之過。有所不爲。是行之過。○必也二字見。不是這般人。決然與他不得人情退托。狂者獨進。取識高志遠。進而取。則古人意思不在尋常。叔季之間。但偏于高明少寢。地工夫耳。人情無所不爲。狷者有所不爲。節守精嚴。有獨立不變之操。但偏于拘謹。少开拓。工夫耳。○進取不爲本。當只把志極高守。有餘說到後來。激励勵之使知必極。其守裁抑之使守固。必由干知明。而不爲。損其過。狂狷皆有也。狂者志極高。是過處。如狂者則激励之。使行必副其志。裁抑之使所志必寔。于所爲而不爲虛。狷者必激励之。使知必極。其守裁抑之使守固。必由干知明。而不爲。隘。益必進之于中道。而非與其終于狂狷已也。

南人章全直

此章謂無恒者。雖巫醫不可爲。且羞辱不可免。以見人决不可無恒也。亦寓思有恒意。

子曰南人有言曰人而無恒不可以作巫醫善

夫

恆胡登反

夫音扶

南人南國之人恆常久也巫所以交鬼神醫所以寄死  
生故雖賤役而尤不可以無常孔子稱其言而善之  
參太子曰南國之人有言曰夫人立心制行而無恒久之  
道則在我者無定守何所用而可雖巫醫賤役亦不可爲矣  
蓋巫交鬼神而無常則誠意不足而神不之享醫治病疾而  
無常則術業不精人何敢寄生死哉此高誠善夫

析講無恒無常久之心也○周禮春官司巫掌群巫之政令  
國有大灾則帥巫而造巫恒註巫恒巫之有常者

不恆其德或承之羞

此易恒卦九三爻辭承進也

合參然恒之有無不惟術業無乏而榮辱且係之矣易恒卦  
九三爻詞人若德行無恒自相違錯不獨內雀多戎而外侮  
將至人或承之以羞

子曰不占而已矣

復加子白以別易爻也其義未詳楊氏曰君子於易苟玩其  
占則知無常之取羞矣其爲無常也蓋亦不占而已矣意亦

畧通

合參孔子既引此詞又曰無恒取羞易有明訓而人頗多無  
恒者亦不玩此占而已矣苟玩其占則知無常之取羞而惕  
然知警矣何至于無恒哉

析講爻動則謂之占不玩其占者言不玩此爻詞

也○朱子曰不占而已矣此只是不讀書之意

君子章全旨

此章明君子小人存心不同故與人交際亦殊和  
同與周比有別周比就愛之廣狹言之和同就與  
入是非可否上言和全是以道倡和不相違悖同但欲以意  
相徇不相違異和出于公卽有所異亦和也如五味各異而  
相調爲之同出于私卽無所異亦同也如同流食汚隨聲附  
和究不得謂之和夫子分別言之欲學者察其義微也張南  
軒曰和者和于理同者同其私和于理則不苟同其私則

不能和極明白

# 子曰君子和而不同小人同而不和

和者無乖戾之心同者有阿比之意○尹氏  
參大全子曰君子小人公私而已君子之心公則視人猶已  
與物無忤固極其和然惟理是視是非不假而不苟同于人  
小人之心私則喜狎昵懷阿比所以常同然各爭利  
樂已刻而不能和處乎衆外相似而內寔不<sub>ト</sub>同如此  
析講此就君子小人與人心相合處說與周比就用愛說者  
不同○大全蔡氏曰不同就在和中看出不和就在同中看出  
○輔氏曰義有可否故有不同利有爭奪安得而和  
曰君子之和乃以其同寅協恭而無乖爭忌克之意其不同  
者乃以其守正循理而無阿諛黨比之風小人反是如韓范  
富諸公上前議論不同或至失色至卒未嘗失和氣王呂章  
曾蔡氏父子兄弟同惡相濟而其隙無不至亦足驗聖言之  
不可

易矣

## 鄉人章全旨

此章以類字作骨子貢欲稽人于好  
惡之同夫子則決人于好惡之一類

子貢問曰鄉人皆好之何如子曰未可也鄉人  
皆惡之何如子曰未可也不如鄉人之善者好  
之其不善者惡之

好惡並去聲

一鄉之人宜有公論矣然其間亦各以類自爲好惡也故善  
者好之而惡者不惡則必其有苟合之行惡者惡之而善者  
不好則必其無可好之實  
參大全子貢問曰夫人自幼至長知之悉者莫鄉人若也若  
有一人焉鄉人皆好之何如意其行成名立者平可謂賢乎  
子曰未可也恐是同流合污也子貢因皆好不足恃又轉而  
問曰鄉人皆惡之何如意其道高毀來者平可爲賢乎子曰  
未可也恐是詭世戾俗也蓋鄉人不能皆善則好惡不能皆  
當不如各以其類自爲好惡如鄉人之善者以其同乎己而  
好之是其志行之美足以取信于君子則有可好之寔矣其

不善者以其異乎已而惡之是其立心之直又不苟同于小人則無卑汚之行矣左可必其爲貴也

析講子責謂皆好之是所爲之善合于衆情皆惡之是所爲之善異于流俗皆擬其爲賢也兩未可皆謂昧可遽信其賢也子責之論病在兩個皆字未免專靠鄉人一邊夫子分別出个善不善來正要他從自己識見上討个明白耳○蔡氏日未二句乃夫子答子責鄉人皆好之皆惡之之間耳非謂必欲不善者惡之也如明道先生狡僞者獻其誠暴慢者致其恭不善亦曷嘗惡之耶○善不善非對說要把善者之好參之以不善之惡而人品始定耳玩本文其字自見○王觀濤曰善者好其同已不善者惡其異已色合觀之則此一人有善無惡可知

君子章全旨

此章明君子小人存心待物之不同全在公私恕刻上分別

子曰君子易事而難說也說之不以道不說也及其使入也器之小人難事而易說也說之雖

易去聲  
說音悅

不以道說也及其使人也求備焉

器之謂隨其材器而使之也君子之心公而恕

小人之心私而刻天理人欲之間每相反而已

參序子曰爲人上者以一身操用舍喜怒之權人固有任其勞而事之者亦有投其意而悅之者若夫君子之人易于承事而難于取悅也何也君子之心公而恕公則見道不見欲若阿徇逢迎悅之不以其道必拒而不悅也悅之不亦難乎及其实入也則以恕心待之隨才器使有長皆可教事之不易乎小人之人難于承事而易于取悦也何也小人之心私而刻私則見欲不見道若悦之雖不以道彼亦忻然而悦也悦之不亦易乎及其使入也则以刻心待之必求其全備念之間而相反而此人君選任大臣不可不慎也

析講公私就持己說怒刻就待人說兩段各首句是冒名下四句正詳之君子易事句盧方說出公恕字惟心之公正故不說非道而見說之之難惟心之平恕故器使而見惠之之易小人反是玩而字與及其字俱宜串說勿平對○馮氏

日君子小人蓋指當時之得政者而言輔氏曰君子悅人之順理小人悅人之順已君子貴重人才隨才器使而天下無不可用之人小人輕視人才求全責備而卒至無可用之人

### 君子章全旨

此章明君子小人處已之不同泰驕在氣象上看迹相似而寔不同故夫子辨之其所以不同者根也心之循理逞欲來蔡氏曰泰驕俱有充然自足氣象然細看自不同○泰是有道德者氣象驕是負才勢者氣象泰主自得驕主傲物

### 子曰君子泰而不驕小人驕而不泰

君子循理故安舒而不矜肆小人逞欲故反是

參大全子曰君子小人之氣象皆根於內而形於外者也但自其安然自得者言之則爲泰自其侈然自肆者言之則爲驕二者不可同日語也君子惟理是循不愧不怍無入不自得故外常舒泰而不是矜已傲物或涉于驕肆小人惟欲是逞志盈氣溢恒以之自誇故外常驕矜而不是從容不迫有得于舒泰其存心異故氣象不同如此

析講

大全張氏曰泰者心廣而體胖驕者志盈而氣盛驕則

### 剛毅章全旨

此示人當全天資以求仁無私欲而有德仁也剛毅則不屈于物欲心常存而不放仁也木訥則不屈于欲至于外馳天資已近乎乎仁可不因是而加功乎

### 子曰剛毅木訥近仁

程子曰木者質樸訥者遲鈍四者質之近乎仁者也楊氏曰剛毅則不屈於物欲木訥則不至於外馳故近仁合參子曰仁雖人心所固有而亦不能不拘于氣質之偏若夫剛而氣質堅強毅而氣秉堅忍木而容貌質樸訥而言謠遲鈍四者之資質爲近乎乎仁蓋仁無欲而剛毅則不屈于欲仁在內而木訥則不馳于外豈不與仁相近乎乎由是質而充之以學則可以與仁爲矣

析講聖人之意乃是言如此之人于求仁爲近耳雖有此質正須寔下求仁工夫以求至于乎仁也○蒙引剛就體上說毅

就用上說木就容貌上說訥就言語上說四者之質于本真俱不受傷各近仁非兼備而後近也近不是自此至彼之謂只是資質用事未加涵養自有不足處故此日近若說到涵養究竟處便直謂之仁不謂之剛毅木訥矣○毅是耐久與剛有別

### 子路章全旨

此言士貴全養而又各善其施見造就子路之意因

以朋友兄弟一段

子路問曰何如斯可謂之士矣子曰切切偲偲怡怡如也可謂士矣朋友切切偲偲兄弟怡怡

胡氏曰切切懇到也偲偲詳勉也怡怡和悅也皆子路所不足故告之又恐其混於所施則兄弟有賊恩之禍朋友有善柔之損故又別而言之

參蒙引子路問曰何如斯可謂之士矣子曰七之質性貴于中和必其人已相接之際切切如意情意之懇到偲偲如詔告之詳勉而又怡怡如一團和氣之可拘其氣象如此非酒養

有素而化其氣質之偏者不能可謂之士矣然此三者皆不可闕而其所施則不可混于朋友則規過勸善切切偲偲無有善柔之損于兄弟則式好無尤怡怡然無賊恩之禍益朋友以義合兄弟以恩合恩義兼盡

而施之各當士之爲道何以加此

析講子路勇者也勇則氣浮未能切切躁畧未能偲偲亢直未能怡怡故曰皆子路所不足○切切三者情意言論容色俱就接人上說如字管上三件此便是剛柔相濟中和不偏恩義朋友二句則別言恩義之所施朋友非全無恩但主于義耳兄弟非全無義但主于恩耳亦是偶舉朋友兄弟言之非二倫之外卽用不着如此氣象也須看得圓活○饒氏曰切切偲偲怡怡如也只是一句見士之爲士其氣象鑑知此下又分別其義見養成德性觸境自宜此眞所謂士也訓即意在

言外

### 善人章全旨

此夫子深與善人之化非專爲卽戎而發蓋舉一件極難的事以見善教之得民耳

子曰善人教民七年亦可以卽戎矣

參教民者教之以孝弟忠信之行務農講武之法卽就也戎兵也民知親其上死其長故可以卽戎○程子曰七年云者聖人度其時可矣如云暮月三年百年一世大國五年小國七年之類皆當思其作爲如何乃有益

參存疑子曰善人之道慈愛惻恤原足以固結民心其于民也教之孝弟忠信之行以養其性教之務農以厚其身教之事亦可以從事于行陣而卽戎矣善人教民之效約畧如此析講饒氏曰善人卽爲邦百年之善人天資好善之人也蔡氏曰善人教民雖兼本末而言大意只是教他爲善教至七年之久民亦爲善所感卽能親上死長故可卽戎胡雲峰日教民本非爲卽戎而設教之深亦不可以卽戎矣馮厚齋日古之教士七年謂之小成教民雖不如士之詳而七年亦教成人二字見與兵家威強狃許者不同○教民纔可卽戎是聖人重言兵之意○重在親上死長而兼生養素厚武備素嫓意

子曰以不教民戰是謂棄之

以不章全旨此甚言不教之失以見民之不可不教也

參以用也言用不教之民以戰必有敗亡之禍是棄其民也序子曰戰者危事若平日不嘗教民以孝弟忠信務農講武而遽用之戰則不能有勇知方適足以殺其軀而已是謂自棄其民也

析講太全張氏曰教者教之以君臣父子長幼之義使之知有親上死長之心而又教之以節制使之知司馬法也憲問第十四

胡氏曰此篇疑原憲

憲問章全旨

此章註意重有道邊憲不患守不足而患才不足故告之如此然只平平對說而默寓輕重以委教

憲問恥子曰邦有道穀邦無道穀恥也

憲原思名穀祿也邦有道不能獨善而但

知食祿皆可恥也憲之狷介其於邦無道穀之可恥固知之矣至於邦有道穀之可恥則未必知也故夫子因其問而并言之以廣其志使知所以自勉而進於有爲也

參蒙引憲問世間何事最可恥夫子欲因其有守而進之以有爲也曰士君子立身天地間貴乎有守又貴乎有爲而已若邦有道不能有爲而但知食君之穀雖非枉道未免素餐耻也邦無道不能卷懷而猶然食君之穀則徒食位而不能獨善也人未有不自有守而有爲者也亦未有不能有爲而徒守者也憲勉之

析講朱子曰穀之一字有食祿之義詎有道無道只會食穀畧無建明豈不可恥○意重有道邊見得有道而不能有爲只小廉曲謹濟不得甚事也○按天戴禮原憲宋人字子思孔子卒後退隱于衛

克伐章全旨

此章見仁不在制私而在無私當玩訖中有無二字

字無私之謂仁有私而制之不行還未得爲仁

## 克伐怨欲不行焉可以爲仁矣

此章原憲以其所能而問也克好勝伐自矜怨忿恨欲貪欲

合衆憲又問人心至虛而物欲蔽之則私出焉如克伐怨欲四者皆心之私而爲仁之病也能知其病而禁之不行焉私念既遏天理自存意甚可以爲仁矣

析講克伐是氣盈者因己之所生怨欲是氣歉者因己之所無而生○不行是逐念強制爲仁矣是信其仁故不行乎而曰矣此雖憲以其所能而問還宜泛說

## 子曰可以爲難矣仁則吾不知也

有是四者而能制之使不得行可謂難矣仁則天理渾然自無四者之累不行不足以言之也程子曰人而無克伐怨欲惟仁者能之有之而能制其情使不行斯亦難能也謂之仁則未也此聖人開示之深愾乎憲之不能再問也或曰四者不行固不得爲仁矣然亦豈非所謂克己之事求仁之方乎曰克去己私以復乎理則私欲不留而天理之本然者得矣若但制而不行則是未有拔去病根之意而容其潛藏隱伏於胸中也豈克己求仁之謂哉學者察於二者參淺說子曰常人之情又有克伐怨欲之心萌于中則必行

之于外而不能以自制。今能制之使不得行，非有定守者不能可以爲難矣。若遂謂之仁，則吾不知也。蓋仁則天理渾然自無四者之累，非制之不行也。

析講

大全胡氏

曰克伐怨皆生于欲

仁者純乎天理而無欲

者也。無欲則自然無克伐矣。

顏子私欲淨盡可以爲仁

憲之力制其欲可以爲難。

○朱子

曰若只是過在胸中不行畢竟

有這物在裏纔說無便是令下掃去不容他在裏若划草而連其根剗去也。

○好勝而有上人之心謂之克矜夸而有目

滿之念謂之伐怨恨不平謂之怨貪求無厭謂之欲

四者合

來總是個私心不行者禁止遏抑使不形于外也可以爲難

只就人情易溺于私而此能力制其私上說大凡欲根在內而強以制之防檢少疎則依舊竊發如以石壓草石去則草復生矣與仁之無私而不待于制者自別故曰可以爲云云吾不知句須講得含蓄若太明白便是不得爲仁了

艾子

曰不行克伐怨欲緣何斷他是強制要看本原處如何若其不行出于自然便是仁若出于勉強便是仁而其自然與否悉可規則仁與否亦未可知也不知是未定之詞

東坡子

平日則勝得私倒故禮復而可以爲仁不行則丁時強制亦有

克伐工夫則此私猶伏于內而不可以爲仁。○蔡氏曰不行與四勿不同四勿是心主于禮非禮則勿之不行是欲根未我只是已發而後禁仁者廓然無私的心體也。此章見爲士者當心無所累不足爲士而章全直士只就懷居上斷之不必推開說

## 子曰士而懷居不足以爲士矣

居謂意所便安處也

叅大全子曰爲士者正義而不謀利若干意所便安者戀戀而不能忘便是利心不循理之安而惟徇情之安則于義所當爲者必不能知所從矣內則損

德外則廢業是尚足以爲士矣哉

析講

蔡氏

曰不求理之安而徇情之安是亦常人而已何足

爲士○大全胡氏曰懷居與小人懷土相似與聖人安土樂天相反安土者隨其身之所處而安無所執着其樂也大懷居者戀其身之所便以爲安有所執着其累也大○意所便安處如宮室器用之美聲色貨利之私皆是

邦有章全旨

此章概論君子處世之道，制行無時而不危。見君子

子守身之節，出言有時而可。

孫見君子保身之智。

子曰：邦有道，危言危行；邦無道，危行言孫。

並去

聲。○危高峻也。孫卑順也。尹氏曰：君子之持身，不可變也。至於言則有時而不敢盡，以避禍也。然則爲國者使士言，孫豈不殆哉？

叅太全子曰：君子道與時宜。如邦有道，君明臣良，時可以遂其直也。則危言焉，明是非，辨邪正，言人所不敢言。危行焉，嚴取與，潔去就，行人所不敢行。非固欲危其言行也，直道而已。如邦無道，君闇臣謗，時不可以遂其直也。則危行焉，行以待身，終無可變之理。至于言以應物，則或有

當孫之時，非阿諛以從俗也。遠害而已。

析講南軒張氏曰：危高特之意，君子非固欲危其言行，介然

守道，不徇于世。自世人視之，則見其高特耳。吳氏曰：言孫，非矢其正也。特少致委曲，如孔子之對陽貨，王孫賈云耳。存疑

云：此爲不居官者言。若爲謙臣，且說不得言。孫不得其言，惟有去而已矣。○饒雙峰曰：行無時而不危，所謂國有道，不變

有德章全旨

此章之意見內，得以兼外。外不得以信，內欲修身者，知所重而不從求之。謂勇欲觀人者，知所尚，而不以言勇，信德仁也。

子曰：有德者不必有仁。有勇者不必有仁。

有德者和順積中，英華發外。能言者或便佞口給而已。仁者心無私累，見義必爲。勇者武血氣之強而已。○尹氏曰：有德者必有言。徒能言者未必有德也。仁者志必勇，徒能勇者未必有仁也。

叅蒙引子曰：理之有得爲德。有德者，義理積中，雖沉默不露其言，而當夫建議之時，自然英華發外，而順理成章。吾知其必有言矣。若夫徒有言者，則言論未必皆出于此。衷或是个便辟口，傍底人未可知。不必有德也。心之無私爲仁。仁者，中

無私累雖醇厚不露其勇而當夫任事之時自然見義能爲正氣無阻吾知其必有勇矣若夫徒有勇者則果敢未必<sup>也</sup>于正理或是血氣之強發出來未可知不必有仁也蓋由本可以兼末而由末不可以信本也

析講天下惟本諸心者可以必而德與仁皆在心上其所以必者非必之言勇必之德與仁也胡氏曰便佞口給無德之言也血氣之強非仁義之勇也二武字正貼一不必字○有德必有言如顏閔善言德行是已仁必有勇所謂無慾則剛是已○按夫子本重德仁抑言勇但扶起言勇作用人說者定肯正旨○兩必有最可味無言亦言無勇亦勇也兩不必是活說有無不可知不是決

言其無要死註二武字

南宮章全旨

此見聖賢同上尚德之意适以德與力並間夫子祇美其尚德而抑力佛德之意自可見

南宮适問於孔子曰羿善射奡盪舟俱不得

其死然禹稷躬稼而有天下夫子不答南宮适

适占活反羿音詣

反○南宮适卽南容也羿有窮之君善射滅夏后相而篡其位其臣寒浞又殺羿而代之東春秋傳作澆浞之子也能陸地行舟後爲夏后少康所誅禹平水土暨稷播種身稼穡之事禹受舜禪而有天下稷之後至周武王亦有天下适之意蓋以羿奡比當世之有權力者而以禹稷比孔子也故孔子不荅然适之言如此可謂君子之人而有尚德之心矣不可以不與故俟其出而贊美之

參集解南宮适問子孔子曰嘗聞有窮國之君名羿者善射篡夏后相之位羿臣寒浞之子奡多力能陸地行舟乃羿爲寒浞所殺奡卽爲夏后少康所誅此二子者强有力如此而僵不得其死所有然禹盡力千溝洫稷播百穀勤勞躬稼如此而禹受舜禪稷之後至文武王業成皆有天下禹得失之故果安在哉適意欲以羿奡比當時有權力者以禹稷比孔子而謂力不可恃而德有可尚也夫子以興亡之理可信而興亡之數不可必故不荅南宮适亦會意而出予乃褒美之曰适意在賤不義而貴有德卽其言而觀其行君子謂其若

人平何人品之高也卽其言而察其心尚德哉其若人平何心術之正也豈隨令時爲趨向者所可比哉

析講蔡氏

曰

适之意在抑力伸德然以事應之成敗禍福爲

言則世亦有未必然者夫子旣難據以爲定論若辨其未必

然又非乎日猶力真德之意故付之一默矣其出而贊美之

君子之心自是尚德贊其品而原其心聖賢同一尚德之思

也夫子不答亦以尚力者亡尚德者王理之自然無復可贊

一詞非嫌于傷職忌于自任之意南宮适亦深會夫子之意

不再問耳出之意卽不答之意○禹平水土所以爲播種之地

稷播種所以成禹平水土之功故皆曰躬稼那疏羿基

窮右之地故以窮爲國號以有配之猶言有周有夏也

義白雲許氏曰夏都河北安邑太康渡河而畋十旬弗反荆

拒之于河南而自王夏故都河北之地太康崩于河南弟仲

康立十二歲崩子相立羿恃其射不修民事其臣寒浞使蓬

蒙射殺羿因羿之室生澆及浞而自立后相二十八歲浞使

澆弑之遂滅夏相之后名繙逃歸有仍仍父母之國也明年

生少康少康四十歲舊臣共立之而滅寒浞及澆浞

子曰君子而不仁者有矣夫未有小人而仁者也夫音

扶

君子章全旨

此章是勉君子而懲小人見全石之難也○此不

仁與仁字俱以一念言不以全體言觀君子猶有偶失則宜防之嚴小人必無偶

得則宜反之亟此是立言本旨

夫音

謝氏曰君子志於仁矣然毫忽之間心不在焉則未免爲不仁也

參淺說子曰仁是純乎天理而無一毫人欲之私少有間斷便是不仁如君子志于仁矣然毫忽之間心不在焉而容或不仁者有之矣若夫小人則本心已亡縱天理有

復萌之時亦不勝私欲之蔽固未有能仁者也

析講大全陳氏曰此君子小人指心術邪正而言仁以心德言

○有矣夫是想像憶度之謂不得泥寔此是夫子提醒人諦正所爲危微之辨未有二字是決詞不欲

開依附之門使小人有所藉以自飾也

愛之章全旨

此爲世之知忠愛而不知所以行忠愛者發。忠

所，不得不然。所以教天下之爲忠愛者道不出此。

# 子曰愛之能勿勞乎忠焉能勿誨乎

蘇氏曰愛而勿勞食犧之愛也忠而勿誨婦寺之忠也愛而知勞之則其爲愛也深矣忠而知誨之則其爲忠也大矣。泰序子曰父之子子未有不愛果愛之矣則不可以庸愚待其子上必以賢智待其子凡所爲責成與戒敗者一出于勞雖欲姑息而勿勞也愛之之心弗能已乎臣之于君無不當忠果以忠焉則不以忠主望其君必以聖明篤其君凡所以陳善與閉邪者一出于海雖欲承順而勿誨也忠之之心將能已乎爲父與臣者各盡乎道而爲予與君者各體其情可乎。析講示人以愛子忠君之則是正意而予之善體其勞君之善納其誨意亦宜補出輔慶源曰愛焉而自不能不勞以成之忠焉而自不能不誨以益之此天理人情之至莫之爲而爲者也觀慈父之於子忠臣之于君則可見矣。按愛之忠焉二字作二十一讀卽下能勿勞誨乎俱有力。

爲命章全旨

此卽鄭國辭命之善而見用入之效亦以明四子體國之公也

子曰爲命裨諡艸創之世叔討論之行人子羽脩飾之東里子產潤色之

譏時林反

裨諡以下四人皆鄭大夫草略也創造也謂造爲草藁也世叔游吉也春秋傳作子太叔諱尋究也論講義也行人掌傳之官子羽公孫揮也脩飾謂增損之東里地名子產所居也潤色謂加以文采也鄭國之爲辭命必更此四賢之手而成詳審精密各盡所長是以應對諸侯鮮有敗事孔子言此蓋善之也

參存鄭子曰國之有辭命所以講信修睦而交鄰國者也允鄭以小事大其爲命尤不可苟矣鄭之爲命也以裨諡善謀則使爲草藁而創立規模本意然意思恐無斷據也以世衣博聞則使之討究典故以求其合論講義理以求其當然詞意恐未停當也以行人子羽善筆創則使之修之以去其太繁飾之以添其太簡然文采或未可觀也惟東里子產當國

者也。又從而潤色之，易其句讀字面化陳，而新易俚而雅，而辭命乃成焉。夫一辭命也，鄭能用四子之長，而四子亦各效其長，此應對鮮有敗事也。

**析講** 洪氏曰：四子者，求辭命之善耳，不有其已也。○爲命，提起四之字，皆指辭命辭命，有國重事所以交鄰事，大解紛，息爭者，皆係于此。討論其草創修飾，其討論潤色，其修飾逐句相推下去，要見各盡所長，意裨謀野，有獲，泰善造謀，故任以草創，世叔美秀而文熟于典故，故任以討論，子有聞，知四國而辨大夫者，善于詞令而能綏其中，故任以修飾。子產當國，凡事皆受其成，且博學洽聞，以文學稱，故任以潤色。夫一辭命而成于四賢之手，可見鄭之能盡衆長，而四子之同心體國，亦可概見矣。○左傳：鄭國將有諸侯之事，子產乃問四國之爲于予，予有且使，多爲辭令，與裨謀，乘以適野，使謀可否，而告馮簡子，使斷之，事成乃授于太叔，使行之，以應對諸侯是，以鮮有敗事。通義仁山金氏曰：按左傳所記，與此章相先後，當以夫子之言爲序，但左傳首以爲子產，援能者得之，而告馮簡子，使斷之，事成乃授于太叔，使行之，以應對諸侯，此章見聖人評論人品，褒貶各無所私意，二段體或問章全旨。

問隨答原無關繫，只各肖其人以應，而以二字爲

## 或問子產子曰惠人也

褒貶之意，卽見鄭有子產，楚有子西，齊有管仲，當時春秋以爲人物，巨擘哉！或人舉以爲問，夫子于子產，則稱其心于子，管仲則稱其功，不沒人之善也。于子西則外之而不數其失之何如，不揚人之惡也。蓋聖人于褒貶中，而寓忠厚之意者如此。

**析講** 大全胡氏曰：子產之惠，夫子指其心而言之，孟子惠而

不知爲政，以其乘輿一事言之，而其愛人之心固可知矣。○惠人不作愛民字，看益惠愛其民之人也。子產之政，聖作封洫，鑄刑書，其事多嚴，然其心則主乎愛，蓋欲用猛以濟寬也。

## 問子西曰彼哉彼哉

子西楚公子申能遜楚國立昭主而改紀其政亦賢大夫也然不能革其僭主之號昭主欲用孔子又沮止之其後卒召白公以致禍亂則其爲入可知矣彼哉者外之之辭

參序問子西夫子但應之曰彼哉彼哉

哉外之之詞也見其不足爲輕重也

析講左傳昭公

二十六年楚平王卒令尹子常欲立子西

太子主昭主弱子西長而好善平王長立長則順建善則治

王順國治可不務乎

子西怒曰國有外援謂秦不可瀆也王

有嫡嗣不可亂也敗親遠仇不立王

將來討秦亂嗣不祥我受其名

惡昭王

以天下吾滋不從也楚國何爲必殺令尹令尹懼

名昭主

○定公六年吳敗楚師楚國大惕令尹子西喜曰

今可爲矣于是都遷于姬而紀改其政以定楚國

○太全蔡氏曰彼哉彼哉殆有不足置褒貶也者僭王改紀何暇深論

劉上玉云彼哉彼哉猶云他麼他麼吾不知道也

○吳氏曰

當時有三子西鄭駟夏楚宜申駟夏未嘗當國無大可稱宜

申亂謀被誅相去又遠宜皆所不問者獨公子申與孔子同

時○麟士云夫子非以己私處之集註提此見其不知人不

能爲國進大才耳

○自今勝之亂殺子西而惠主則在孔

子卒之後故日其後蓋引其終以證孔子之言也○孔子荅于魯哀公十六年夏四月白公亂于是年六月

## 問管仲曰人也奪伯氏駢邑三百飯疏食沒齒

無怨言

人也猶言此人也伯氏齊大夫駢邑地名齒年也蓋桓公奪伯氏之邑以與管仲伯氏自知已罪而心服管仲之功故窮約以終身而無怨言荀卿所謂與之書社三百而富人莫之敢拒者卽此事也○或問管仲子產孰優曰管仲之德不勝其才子產之才不勝其德然於聖人之學則槩乎其未有聞也

參序問管仲子曰斯人也功足以服人者也仲相桓公桓公以其有功而奪其大夫伯氏所食之駢邑三百戶以予仲伯氏後來窮約飯疏食至于沒齒曾無怨言此自知已罪之當黜而心服仲功故如此觀此而所爲管仲可知矣

析講

大全朱子曰集註猶言此人也猶詩所謂伊人葺子所

謂之人也若作盡人道謫恐管仲也未盡得

○張氏曰駢邑

三百伯氏食邑三百家也

饒雙峰

曰此篇凡說管仲夫子每

薦之孟子推管仲皆是救時而然夫子之時人不知有王仲尊王亦大有功夫子所以薦之孟子之時天下皆知尊伯術而賤王道孟子恐功利之說熾故于相文管晏一切抑之許之外之各有頭項不可于子產

又說他短處于西守又說他長處

貧而章全肯

此就常情事勢上言知其難則當以告之知其易豈可更于易處失守乎重上句不可與干涉平對

子曰貧而無怨難富而無驕易

易去聲

處貧難處富易人之常情然人富勉其難而不可忽其易也合參子曰人情處貧之之境多所怨恨乃能處之泰然畧無怨尤之心此非安于義命而有定見定守者不能也此寔人之所難人情處豐富之境好生驕逸然在稍知義理者便能安分自守其恬以處之而不至驕肆者猶爲人之所易也常情如此所當勉其難而無忽其易也

析講怨不但失于外毫有所不平中皆怨也故貧而無

謂易無怨則漸進于樂矣意本朱子能安于義命則無怨若

孟公章全肯

此夫子應諷公綽在職不稱亦以傷魯用入之失通章當玩二爲字綽本大夫而曰爲趙魏老則優

其不優于大夫可知矣綽本魯大夫而曰不可以爲滕薛大夫其不可爲魯大夫益明矣重下句

子曰孟公綽爲趙魏老則優不可以爲滕薛大夫

公綽魯大夫趙魏晉卿之家老家臣之長太家勢重而無諸侯之事家老望尊而無官守之責優有餘也滕薛二十國名大夫任國政者滕薛國小政繁大夫位高責重然則公綽蓋廉靜寡欲而短於才者也○楊氏曰知之弗豫任其才而用之則爲棄人矣此君子所以患不知人也言此則孔子之用人可知矣

參大全子曰人之材器各有所宜如孟公綽之爲人也以之爲家老雖趙魏等卿家大如此然無諸侯之事官守之責苟能正已養望則居其位而無愧彼固爲之有餘矣若以之爲大夫雖是滕薛小國其政亦煩征伐朝聘之事所不容已非

有治煩理劇之材則不足以勝其任彼亦不可爲也然則公綽蓋廉靜寡欲而短于才者故用入者貴因材而器使之也析講存疑聖人分說是不可爲魯大夫却不直說而說勝薛且不說他短先寬他長處而帶個短說多少婉轉妙處○註中國小政繁非爲國小事故事繁言雖國小事亦繁見大夫難爲公綽不稱也否則國大事倒簡倒可爲不成陳新安曰惟其廉靜寡欲所以優爲趙魏老惟其短于才所以不可爲勝薛大夫○翼註看來只以才望二字作骨廉靜寡欲是有雅望却無政才爲趙魏老以望爲重只要他廉足以風貪靜足以鎮躁雖無才亦可爲若勝薛大夫內撫百姓之凋敝外應强大之征繕非才不無任故一優一不可爲○公綽爲魯大夫想不稱職

故夫子云然

子路章全旨

上節告子路以人道之全下節告子路以人道之重子路中和不足而忠信有餘成人其可進矣故二兩語以成人之道卽其所已能者而進之以所未及也

子路問成人子曰若臧武仲之知公綽之不欲

卞莊子之勇冉求之藝文之以禮樂亦可以爲成人矣

聲

成人猶言全人武仲魯大夫名紇莊子魯卞邑大夫言兼此四子之長則知足以窮理廉足以養心勇足以力行藝足以泛應而又節之以禮和之以樂使德成於內而文見乎外則才全德備渾然不見二十善成名之迹中正和樂粹然無復偏倚馭雜之蔽而其爲入也亦成矣然亦之爲言非其至者蓋就子路之所可及而語之也若論其

至則非聖人之盡人道不足以語此

參大全子路問成人之道子曰凡人之資稟偏而有疵則不能成若臧武仲之明智公綽之不貪欲卞莊子之強勇冉求之多材藝此四子之長各有所偏故必兼四子之長四者相資猶未足以合乎道又必須文之以禮樂禮以節之去其過中失正之偏而歸于至當樂以和之去其乖戾矯激之病而協于和平則才全德備渾然粹然以爲成人亦已可矣析講成人言人道完全不離人也若字甚活言若此等之人

文之以禮樂亦字正與莊字相呼應。賈子說個樣子只欲進之以禮樂耳。○自雲峰曰公縕之不欲只是德而其才未全。武仲之智莊子之勇冉求之藝只是才而其德未備。皆有一善成名之迹至干武仲之要君公縕之不可爲大夫。莊子輕死敵而不終于孝冉求爲季氏聚斂皆有偏倚聚雜之蔽非文之以禮樂固未見其渾然粹然也。○蓋四子之長意輕重在文之以禮樂上文則四者單全無迹無智名無勇功無廉能無藝術是性體上用涵養工夫不是氣質用惠故曰文之以禮樂全在心上做工夫涵養陶鑄將四者造到中節無偏倚處是文之以禮樂四者造到雍和無乖戾處是文以禮樂更知禮樂不在四者外文不在禮樂外。○蔡氏曰此就兼人處點化子路見徒勇不足論。能兼四子之長尤必文之以禮樂使智廉勇藝做到中節而無偏倚從容純粹而無駁雜。然後乃爲成德之人。雖文之文字指節字利字集許文見乎外是死字然亦由文之文字而生。○武仲名紹文仲之孫宣叔之子武仲多智時人謂之聖。○荀子齊人伐魯忌下莊子不敢過下又史記莊子力能刺虎。朱子曰莊子事見新序曰莊子養母戰而北及母死齊伐魯莊子赴闔門獲甲首以獻。

曰今之成人者何必然見利思義見危授命久

要不忘平生之言亦可以爲成人矣

復加曰字者已答而復言也授命言不受其生持以與人也久要舊約也平生平日也有是忠信之寔則雖其才知禮樂有所未備亦可以爲成人之次也。○程子曰知之明信之篤行之果天下之達德也。若孔子所謂成人亦不出此三者。武仲知也公縕仁也下莊子勇也冉求藝也須是合此四人之能文之以禮樂亦可以爲成人矣然而論其大成則不止於此。若今之成人有忠信而不及於禮樂則無不正矣。又曰謗成人之名非聖人孰能之孟子曰唯聖人然後可以踐形如。此方可以稱成人之名。胡氏曰今之成人以下乃子路之言蓋

曰此塞北遂趙齊師殺十人而死。○註知足窮理四句不要說到盡好處爲下有文之以禮樂在文見乎外所謂充寔而有光輝也。○樂字較禮字難明。朱子註孟子樂之寔樂字云和順從容無所勉強正可于此用之。

復加曰字者已答而復言也授命言不受其生持以與人也久要舊約也平生平日也有是忠信之寔則雖其才知禮樂有所未備亦可以爲成人之次也。○程子曰知之明信之篤行之果天下之達德也。若孔子所謂成人亦不出此三者。武仲知也公縕仁也下莊子勇也冉求藝也須是合此四人之能文之以禮樂亦可以爲成人矣然而論其大成則不止於此。若今之成人有忠信而不及於禮樂則無不正矣。又曰謗成人之名非聖人孰能之孟子曰唯聖人然後可以踐形如。此方可以稱成人之名。胡氏曰今之成人以下乃子路之言蓋

不復聞斯行之之勇而有終身誦之之固矣未詳是否。參達說子曰夫所謂成人者固在于兼有衆善而無一疵之累矣然居今之世而以成人名者豈必衆美之兼備若是乎惟能見利愚義而臨財無苟得見危授命而臨難無苟免與入久要不忘平生之言終始而不變有是忠信之寔雖其才智禮樂有所未備而太本不虧視世之趨利避害而有言不政策者大有間也亦可以爲成人之次矣由此

成人而進之則成人可及矣由也其勉之哉

析講忠信只是一個寔心思義則忠信見于取與之際授命則忠信見于死生之際久要則忠信見于然諾之際雖才智禮樂未備而大本已立故亦可爲成人○蒙引才智未備是欠了武仲之智冉求之藝禮樂未備是欠了文之以禮樂一句○忠信之寔三句總言之不可分久要不忘乎生之言要約之久便是平生曾有此言到今時移事變了却耿耿在心不食其言也○上亦可以爲成人對聖人而言下亦可以爲成人對上文而言○太全張氏曰三者雖未有過人之才而亦毅篤忠信之人故在今日論之亦可以爲成人此亦愚狂狷之意也

### 子問章全旨

此章見時中之難上節因三人之舉文字而問之欲人知中行之不易

蔡氏曰此

亦見聖人衆好必察之意

子問公叔文子於公明賈曰信乎夫子不言不笑不取乎

公叔文子衛大夫公孫枝也公明姓賈名亦衛人文子爲人其詳不可知然必廉靜之士故當時以三者稱之春秋序昔公叔文子人以不言不笑不取稱之夫子疑而問于公明賈曰信乎爾之夫子不言不笑不取乎子衛人也賞必得之聞見而知之真矣夫子此問益疑其過乎中而不近人情也

析講新安陳氏曰不言笑見其靜不取見其廉○信乎一問深有核寔之思

公明賈對曰以告者過也夫子時然後言人不

厭其言樂然後笑人不厭其笑義然後取人不

厭其取子曰其然豈其然乎

厭者苦其多而惡之之辭事適其可則人不厭而不覺其有是矣是以稱之或過而以爲不言不笑不取也然此言也非禮義充溢於中得時措之宜者不能文子雖賢疑未及此但君子與人爲善不欲正言其非也故曰其然豈其然乎參大公明賈對曰以此相告者過也此不近人情之論也蓋多言者人必厭其言吾夫子平日時當言然後言人皆不厭其言雖言而寔若不言也苟笑者人必厭其笑吾夫子樂當笑然後笑人皆不厭其笑雖笑而寔若不笑也貪取者人必厭其取吾夫子義當取然後取人皆不厭其取雖取而寔若不敢取也故人以此稱之耳然人之稱文子者矯乎人情者也則固過矣賈之稱文子者協乎時中者也則尤過矣故夫子疑其詞曰據爾所言爾夫子其果能然自我思之爾夫子之言笑取豈其果能然乎吾未敢必也不直斥其不然而亦不輕信其然可以見夫子忠厚之意是非之公矣

析講不言不笑不取只是二偏之行凡氣質妍者亦能之時言樂笑義取則是時中之行非學問充足義精仁熟者不能故夫子疑之然此等俱是其然上面語意須不涉正言其非方得夫子渾融口氣○問夫子歎之何也朱子曰吳氏云文子請享靈公史鰐曰平富君貪禍必及矣觀此則文子之言豈能皆當而其取豈能皆善乎○期字是猜度之詞然如是也言果是如是乎以我觀之豈能便如此乎總是疑詞勿斷若單出其然句則云據子之言文子爲人是如此庶不犯下旬

臧武仲全旨

此夫子誅武仲無君之心首一句是察下二句是如防使請立後而避邑以示若不得請則將據邑以叛是要

子曰臧武仲以防求爲後於魯雖曰不要君吾不信也

要平

防地名武仲所封邑也要有挾而求也武仲得罪奔邾自邾如防使請立後而避邑以示若不得請則將據邑以叛是要

君也范氏曰要君者無上罪之大者也武仲之邑受之於君

得罪出奔則立後在君非已所得專也而據邑以請由其好智而不好學也楊氏曰武仲卑辭請後其跡非要

君者而意寔要之夫子之言亦春秋誅意之法也令參子曰武仲得罪奔邾則立後與否魯君主之非仲所得專也如謂先人不可失祀則歸于魯以身請之可也不然待罪于邾以詞請之可也乃先以防爭據使人求為立後于魯君以示若不從其請則將據邑以叛此挾君以不得不從之意雖曰彼未嘗以防爲言不中是要君吾六

不信也按迹誅心武仲亦何所逃罪耶

析講不知義者將以武仲之有先祀爲賢故夫子正之○要君全在以字上見請後可也以防而請全是要魯君以不不得

不從之勢○雖曰是設詞不信是斷詞玩此二十句似當時之人但曉得他單詞請後而不知其意之有所挾蓋夫子闡之以明臣子之于君父不可以不順所以正天下之大法也○

左傳襄公二十三年季武子無適子公獨長而愛悼子欲立之訪于紇紇立之季氏以公鉏鉏即公爲馬正孟莊子疾豐興之鉏氏謂公鉏苟立羯并子之譖仇滅氏孟孫襄公鉏奉閼立

氏將辟藉除除道葬于臧氏臧孫使正夫助之除于東門用從已而視之孟孫又告季孫怒命攻臧氏紇斬鹿門之闕以出奔邾臧賈臧爲出在鑄國名入母家武仲使告臧賈且致大蔡焉日紇不佞失守宗祧敢告不吊紇之罪不及不祀子以大蔡納請其可賈再拜受籩使爲以納請遂自爲也臧孫如防使來告曰紇非能害也智不足也非敢私講苟守先祀無廢一勲一勲文仲敢不避邑乃立臧爲紇致防而奔齊

于文耳論其心晉文固謫桓亦非絕乎正者

## 子曰晉文公謫而不正齊桓公正而不謫

謫古穴反

晉文公名重耳齊桓公名小白謫詭也二公皆諸侯盟主攘夷狄以尊周室者也雖其以力假人心皆不正然桓公伐楚仗義執言不由詭道猶爲彼善於此文公則伐衛以致楚而

## 晉文公章全旨

此夫子發桓文之隱也正謫人不知處卽是隱人知二公霸諸侯之事同而不知其處事之有正謫

故發之正謫以事言不以心言言心則皆不正也○太全陳氏曰二公心皆不正論其事則彼善于此相僅偏

陰謀以取勝其譖甚矣二十君他事

亦多類此故夫子言此以發其意

參達說子曰五霸迭興桓文爲盛雖其以力假仁心術同歸于不正然其行事之間猶有彼善于此者嘗見晉文公所行之事大抵踪跡暗昧而陰謀取勝者居多如楚圍宋也則伐曹衛以致楚師之救楚釋宋也則復曹衛以攜二國之交至于溫之會則以臣而召君于翟泉之盟則以下而陵上其殆謫而不正也又嘗見夫齊桓公所行之事大抵舉動光明而不由詭道者居多如楚未服也則問王祭不供而責尊王以明義楚既服也則退師召陵而待楚使以禮至干葵丘之會則明王者之大禁首止之盟則定世子乏大法其猶正而不謫也桓公以事之正而飾其心之私文公以心之僞而濟其事之詭雖功罪同而優劣必有分矣

析講蔡氏曰孔子所謂正而不謫者對晉文言也朱子所謂心皆不正者對王者言也○左傳僖公四年春齊侯伐楚楚平使與師言曰君處北海寡人處南海惟是風馬牛不相及也不虞君之涉吾地也何故管仲對曰晚貢包茅不入王祭不共無以縮酒寡人是微昭主南征而不復寡人是問對日

貢之不入寡君之罪也敢不供給昭主五復君其問諸水濱師進次于陘夏楚子使屈完如師師退次于召陵○初晉侯出亡宋襄公贈馬二十乘至是叛楚卽晉楚子玉子西師師圍宋宋卒孫固知晉告急先輶日報施叔虞取威定伯于是乎在矣狐偃曰楚始得曹而新婚于衛若伐曹衛楚必救之則宋免矣○晉侯侵曹伐衛執曹伯分曹衛之田以畀宋人執衛侯歸之于京師子玉使宛春告于晉侯曰請復衛而封曹臣亦釋宋之圍晉侯從先軫之貞亦拘宛春于衛且私許復曹衛曹衛告絕于楚○齊氏曰二公之伯皆以勝楚楚罪莫大焉僖王得夏孔子爲春秋書齊日侵蔡蔡潰遂伐楚而于晉僅晉日及楚戰十城濮則晉之有執于聲罪致討也亦已著矣

桓公章全旨

子路責管仲之不死是在心術上論他的仁夫子說他留不死之身利賴生民有益于天下是兵勇

業上見

子路曰桓公殺公子糾召忽死之管仲不死曰

未仁乎

糾居糾反  
名音部

四十五

按春秋傳齊襄公無道鮑叔牙奉公子小白奔莒及無知越襄公管夷吾召忽奉公子糾每魯人納之求克而小白入是爲桓公使魯殺子糾而請管仲召忽死之管仲請囚鮑叔牙言於桓公以爲相子路疑管仲忘君事讎忍心害理不得爲仁也

衆序子路問于夫子曰人臣之事君也死生以之管仲召忽皆相乎子糾者也桓公使魯殺公子糾召忽使之可謂殺身以成仁矣而管仲獨不死則其忘君事仇忍心害理甚矣以由言之管仲未得爲仁矣乎

析講大全朱子曰召忽之失在轉糾以爭國而不在于死管仲之得在力合之功而不在于不死仲之可以死不正以小自兄而子糾弟耳○蔡氏曰夫子稱仲之仁雖就澤被天下說亦是不必死而又有功故仁之耳若必當死而不有功豈得遽以仁許之須要善焉耳○問集註忍心害理是殘忍之忍否朱子曰傷其惻隱之心便是忍心如所謂無所求生以害仁便是忍心也○程子曰桓公兄糾弟襄公死桓當立春秋

書桓則曰齊小白言當有齊國也子糾則以曰糾不言齊以不當有齊也不言子非君之嗣也○左傳襄公八年齊侯使連耦管至父戊葵丘瓜時而往及瓜而代期戊公問不至請代弗許故謀作亂僖公之母東曰夷仲年生公孫無知有寵于僖公衣服禮秩如適也○襄公糾之二人因作亂遂殺襄公而立無知初襄公立無常政令不常鮑叔牙曰君使民慢亂難作矣奉公子小白出奔莒亂作管夷吾召忽奉公子糾來九年春雍廩殺無知夏伐齊納子糾桓公自莒先入秋師及齊師戰于乾時我師敗績鮑叔牙帥師來言曰子殺親也請君討之管仲仇也請受而甘心焉言欲戮之殺子糾于生寰召忽死之管仲請囚鮑叔牙及堂阜而稅音脫之歸以告曰管夷吾治于高渠多干高敬仲也沐使相可也公從之○附錄呂氏春秋鮑叔牙管仲召忽三人相善欲相與定齊國召忽曰小白必不立矣不若三佐公子糾也管仲曰國人惡糾之母以及糾小白無母而國人憐之事未可知故令鮑叔牙召公子小白管仲召忽曰予懼乎召忽曰何懼乎殺吾君而用吾身是再辱我也子爲生臣忽爲死臣忽也知得萬乘

之政而死。公子糾可謂有死臣矣。子生而仇諸侯。

公子糾可謂有生臣矣。乃行入齊境，自刎而死。

子曰：桓公九合諸侯，不以兵車。管仲之力也。如其仁如其仁。

九春秋傳作糾督也。古字通用。不以兵車言，不假威也。如人而其利澤及人，則有仁之功矣。衆太全。子曰：子以他不死爲赤仁。孰知其不死，相桓有仁之功乎？當周室衰，而夷狄橫也。桓公九合諸侯，攘夷狄，尊周室。以信義服人，而不以兵車之威。皆管仲善謀之力也。夫不狠威力，無所殺傷，則利澤及人。是亦仁者之功效矣。孰有如其仁者乎？孰有如其仁者乎？殆不可。

以不死子糾之仁節，而遂病之也。

析講朱子曰：九之爲糾，展喜之詞。而糾合宗族之類，亦其証也。說者直以爲九合諸侯，至數桓公之會，不止于九，則又因

不以兵革而爲之說。日衣裳之會，九餘則兵車之會，可謂鑿矣。○句之一字以德而言，則必心無私而事當理，乃能當之。若言其功，則推利澤及人，有恩有惠，便可稱之。初不計其德之如何也。○蒙引子路之疑者記其過，而忘其功。夫子之取者錄其功而不計其過，益其過小。其功大也。至于忘君事，從一節，則夫子姑置不論。初未嘗爲解釋也。下章之論亦如。此○不以兵車，最重。如其仁就承他說，今以春秋考之，自伐楚之後，只有伐鄭，伐比戎，二十三舉而已。其餘皆會盟也。桓公伐楚，伐北戎之類，固以兵車，而其糾合諸侯，何嘗以兵車，全是以大義驅之？大信之也。

子貢章全旨

子貢責仲，重在又相。夫子卽就相，明其功業之大，以見其仁末節。反言正明，斯相植之爲大功。死糾之爲小節，以見其無害于仁，非分釋上文。

子貢曰：管仲非仁者與。桓公殺公子糾，不能死。又相之。

與平聲

子貢意不死，猶可相之，則已甚矣。

合卷子貢曰：管仲其卒非仁者，蓋與公子糾，僕所始事之君也。

相公殺公子糾則桓公乃仲之仇也仲不能死則亦已矣乃又事桓公而相之忘君事仇忍心害理仁者歸如是乎

析講慶源輔氏曰子路勇者也故有取于召忽之死而以管仲之不<sub>レ</sub>死爲未仁子貢智者也故以仲之不死爲猶可而以

其相桓爲已甚而非仁

子曰管仲相桓公霸諸侯一匡天下民到于今愛其賜微管仲吾其被髮左衽矣

被皮寄反  
衽而甯反

霸與伯同長也匡正也尊周室攘夷狄皆所以正天下也微無也衽衣袴也被髮左衽夷狄之俗也參存疑子貢罪管仲重在又相之故聖人先承其又繼之言而解之日予以管仲相桓爲非仁豈知其相桓有大功乎周自東遷王室微而夷狄橫天下不正甚矣管仲之相桓公也經營四十年之國政遂以其君伯長諸侯尊周室攘夷狄天下之亂于是一正不惟當時賴之民至于今猶受其匡正之賜而相安于禮樂衣冠之盛當時若微管仲則中國皆淪于夷狄吾如今甚亦彼晏左衽矣管仲相桓有大功如此

析講大全朱子曰聖人論人功過卽不相掩當是之時楚之勢鼎巖可畏治之少緩則中國皆爲夷狄故云○霸諸侯是爲諸侯之長會盟征伐俱聽他命令○朱公遷曰管仲之仁未嘗有本領工夫故與聖門之仁不同○仲之功只在一匡天下到今句又承言之夫子許其功正許其爲仁者之功也尊攘平<sub>レ</sub>看玩<sub>レ</sub>子<sub>レ</sub>魚皆所以正天下可見<sub>レ</sub>至<sub>レ</sub>周天子<sub>レ</sub>如葵丘<sub>レ</sub>會而君臣之分以正凡以下陵上者始知所懼矣召陵<sub>レ</sub>一師而華夏之界以嚴凡以夷謀夏者始知所微矣無仲則下夷上夷犯夏各分掃地禮樂崩弛中

國胥而爲夷然故曰吾其云々云

豈若匹夫匹婦之爲諒也自經於溝瀆而莫之知也

誤小信也縱縊也莫之知人不知也後漢書引此文莫字上有人字○程子曰桓公兄也子糾弟也仲多於所事輔之以垂國非義也桓公殺之雖過而糾之死寔當仲始與之同謀遂與之同死可也知輔之爭爲不義將自免以圖後功亦可

也故聖人不責其死而稱其功若使桓弟而糾兄管仲亦輔者正桓奪其國而殺之則管仲之與桓不可同世之讐也若計其後功而與其事桓聖人之言無乃累義之甚啓萬世反覆不忠之亂乎如唐之王珪魏徵不死建成之難而從太宗可謂盡於義矣後雖有功何足贖哉愚謂管仲有功而無罪故聖人獨稱其功王魏先有罪而後有功則不以相掩可也衆存疑然則管仲之不死也意蓋有在矣不死而相掩則功在天下名傳後世豈若匹夫匹婦之爲謗也執三已之小信小有忿激遂忘遠圖自經于溝瀆之中而天下後世之人竟莫知之或知也仲之不死乃所圖者大而不爲此匹夫匹婦之一見也賜亦錄其相掩之功而所匿哉

析講莫之知只見得死而無益不重聲名上○小信與大功相形說本節不措召忽言○子路疑管仲之未仁正在不死太子誰其仁則所以無死之意在其中子貢疑管仲非仁者雖輕在不死而重在又相違畢竟兩存疑焉故夫子稱其功以明相掩之有益不責其死以明不死之無害○楊子堂曰

據此兩章間甚兩賢不責死不責相夫子取否以兵車六乘一匡天下義各有別言处見得仲一人不死而所匿八甚

多備一身不正而所正甚大物解頗似混雜

### 公叔章全旨

此章見得薦賢固難忘分以薦賢尤難夫子于其既溢之後聞其常有此薦賢之美事故稱此一事而謂可以無愧于文之溢耳只極取其事非解謠

法鄆陽朱氏曰此章評論人物而稱其薦賢之美

### 公叔文子之臣大夫僎與文子同升諸公

僎士免反

參序公叔文子之家臣後爲大夫名僎者與文子同升諸公朝而並列焉以文子因其賢而薦之也是但知以入事君之義而不知家臣固已之嫌文子之賢有如此者析講曰臣日同升見忘分以薦賢意理所當薦而薦之則順理而成章矣故曰可以爲文○馮厚齋曰蓋文子之初不爲薦其臣僎同升諸朝而謂之文也夫子稱其可以爲文有以見文子之不媿其溢耳

### 子聞之曰可以爲文矣

文者順理而成章之謂蓋法亦有所謂錫民爵位曰文者○

洪氏曰家臣之賤而引之使與已並有三善焉知人也忘已也事君三也參序夫子于文子既沒之後聞其有薦僕之事而補之曰文美謚也文子能忘分薦賢其所爲如是亦可以爲文矣于謚何媿哉

析講文字得謚爲文衛人曾無議及此者夫子特爲拈出言只此一事便無愧于文矣此極其許可之詞不比丘文子之文姑取丁事而言○太全饒氏曰如孔文子好學下問是以謂之文却是正說所以爲文之義○蒙引順理成章四字不作平說言順理而有可觀也謚法亦有所謂錫民爵位曰文者上孔子意不在此只是順理而成章之意看註中亦字自見○存疑薦賢寔國家之大事人臣之盛節故文仲不薦柳下惠聖人識其竊位公叔文子之薦家臣僕聖人稱其可爲文○附錄檀弓公叔文子卒其子戌請所以易其名者君曰昔者衛國凶饑夫子爲粥與國之餓者不亦惠乎衛國有難夫子以其死衛寡人不亦貞乎夫子修其班制以與四鄰交衛國之社稷不辱不亦文乎

子言衛靈公之無道也康子曰夫如是奚而不容

十八  
夫音扶  
喪去聲

喪失位也

參序夫子嘗言及衛靈公之無道也康子問曰夫其無道果有如是奚而不喪其位

孔子曰仲叔圉治賓客祝鮀治宗廟王孫賈治軍旅夫如是奚其容

仲叔圉卽孔文子也三人皆衛臣雖必賢而其才可用靈公用之又各當其才○尹氏曰衛靈公之無道空喪也而能

用此三人猶足以保其國而况有道之君能用天下之賢才者乎詩曰無競維人四方其訓之

參大

全子曰靈公用入之節猶有可觀仲叔圉長子

言語者

也則用之

治宗廟以主禮

之交際往來之事視蛇嫗于禮文者也

則用之

治軍旅以主簡練訓教之事治賓客得人則朝聘往

來無失禮于鄰國而不至啓釁治宗廟得人則邊豆靜嘉牲

飬肥腯而神人胥悅治軍旅得人則機急有備而敵國不敢

窺三者皆國之大本夫皆得其人如是又奚其喪夫無道而

能用入猶可以保國况有道之君能用天下之賢者乎

析講東陽許氏曰夫子平日語此三人皆所不許而此章之

言若此不以其所短而棄其所長至公之心也○

仲叔圉三句主衛靈公用入言不下主三人之才

言此將不惟二十字激發人必爲之志與謹言敏行等

意無涉○不是要人誠口結舌只要入場去做

事以免此內愧

其言章全旨

析講東陽許氏曰夫子平日語此三人皆所不許而此章之

事以免此內愧

子曰其言之不怍則爲之也難

大言不慚則無必爲之志而不自度其能否矣欲踐其言豈不難哉

命君子曰凡人有必爲之志則必自度其能否而後言吾所

言者皆吾所能行而爲之也易矣如其敢爲大言自許太過

初無愧怍之心若人者卽其發言之時已

無必爲之志欲爲之而踐其言豈不難哉

析講麟士云要見是斷之之詞○難

處就不作時知之不待試之之事爲也

陳成章全旨

孔子誦詩稟然正君臣之義若云借以正魯反小

大

盡得齊衆心田乞卒子常代立是爲陳成子與閼止俱

相簡公常心寔闢止田氏疏族甲約事闢止有寵止言予豹

曰吾欲盡滅田氏以豹代用宗豹謂田氏曰闢止將誅田氏

序陳成子弑其君簡公

析講陳敬仲奔齊以陳氏爲田氏田乞事齊景公施德于民

也則用之治賓客以主交際往來之事視蛇嫗于禮文者也

則用之治軍旅以主簡練訓教之事治賓客得人則朝聘往

來無失禮于鄰國而不至啓釁治宗廟得人則邊豆靜嘉牲

飬肥腯而神人胥悅治軍旅得人則機急有備而敵國不敢

窺三者皆國之大本夫皆得其人如是又奚其喪夫無道而

能用入猶可以保國况有道之君能用天下之賢者乎

陳成子弑簡公

成子齊大夫名恒簡公齊君名壬事在春秋哀公十四年

田氏弗先禍必及矣。田常于<sub>是</sub>殺關止，簡公出奔。田常之徒恐，簡公復立而誅已，遂弑簡公。

孔子沐浴而朝告於哀公曰陳恒弑其君請討

之。朝音

是時孔子致仕居魯，沐浴齋戒以告君重其事而不敢忽也。臣弑其君，人倫之大變天理所不容，人人得而誅之，况鄰國乎？故夫子雖已告老，而猶請哀公討之。參序孔子時雖告老，乃齊戒沐浴而朝以告于哀公。曰：陳恒弑其君，此人倫之大變。雖齊國之亂，賊寔天下之首惡也。况我魯義在鄰國，請興兵以討之。蓋欲以討賊之權與魯而伸太義于天下也。

公曰告夫三子

扶音夫下

告夫同

參序時政逮木夫征討之權哀公不得自專使孔子曰汝爲告夫三子

孔子曰以吾從大夫之後不敢不告也

君曰告夫

三子者

孔子出而自言如此，意謂弑君之賊法所必討。大夫謀國義所當告，君臣不能自命三子而使我告之邪？參集解孔子出而自言曰：君臣大倫，討賊大義所係，至重。吾嘗從大夫之後，賞與謀國政，雖欲不告而不敢以已也。戎禮當告君，君不賞告三子，乃不自命三子而使我往。曰：告夫三子者，甚謂之何？

之三子告不可，孔子曰以吾從大夫之後不敢不告也

以君命往告而三子魯之強臣素有無君之心，實與陳氏聲勢相倚，故沮其謀而夫子復以此應之。其所以警之者深矣。

○程子曰左氏記孔子之言曰陳恒弑其君民之不與者半以魯之衆加齊之半可克也此非孔子之言誠若此言是以力不以義也若孔子之志必將正名其罪上告天子下告方伯而率與國以討之至於所以勝齊者孔子之餘事也豈計魯人之衆寡哉當是時天下之亂極矣因是足以正之周室其復興乎魯之君臣終不從之可勝惜哉胡氏曰春秋之法弑君之賊人得而討之仲尼此舉先發後聞可也

叅大全夫魯之三子卽齊之陳氏其不欲討之必矣是則不然名義之不正而事亦豈可得而成哉然孔子以君命之重也由是往以告焉而三子果以爲不可因復正言之曰君子大倫計賊大義所係至重以吾從大夫之後當與謀國政故不敢不告于三子耳告而不可吾何能以強之哉噫其所以警天三子者深矣

析講厚齋馮氏曰

是年西狩獲麟春秋絕筆焉而不復書

陳氏曰

恒之事蓋有所傷感焉而魯之事不可爲矣○兩以吾從大夫之後六是皆後說一當面說一以吾爲大夫且不敢不告而况君乎一以吾爲告老之大夫且不敢不告而况在位之大夫乎六是嘆詞六是警詞兩不敢字俱要箇微教以見

## 子路問事君子曰勿欺也而犯之

不 敢 養 奸 不 敢 縱 惡 故 不 敢 不 告

## 子路章全旨

此章見純臣之心勿欺與犯無甚輕重還以勿欺而犯對看愚說勿欺就平日犯之專指謙諛言

犯謂犯顏謙爭范氏曰犯非子路之所難也而以不欺爲難故夫子教以先勿欺而後犯也

參序子路問事君之道子曰事君以誠而且直爲道平日本之以忠君愛國之誠心凡進言宣力必內以盡其心外以盡其分不可有一毫期間之念也而君或未向道志仁必犯顏敢諫雖觸君之怒不恤也事君之道盡于此矣

析講人臣雖有勿欺之忠到盡言處若些有顧忌畏怯則于誠處尚有缺非所以成君德也故有勿欺而犯顏之本立有犯顏而勿欺之寔見若只說勿欺便去犯則自恃其無他犯君沾直即此便是欺了○勿欺兼所言所行說知無不言無不盡知無不爲爲無不力始可云無欺犯專主謙諛說○大全饒氏曰勿欺反說凡獻納宣猷皆盡心無僞至君有

過則直，言正辭犯無隱。語類子路不是謫人底人曰：無臣而爲有臣，乃欺也。存疑犯其顏色，以諫諍之。此事最難。子路不能救季氏之伐顓頊，則犯亦未能也。故范註圈外。

### 君子章全旨

此章明君子小人志趣之異。上達直達到天理，盡層高一層下達，如墮君子物之淵。一步低一步兩步，達字是活字，俱有日新不已之意。

### 子曰君子上達小人下達

君子循天理，故曰進乎高明。小人徇人欲，故曰究乎汚下。合參予曰：君子小人人品不同，其達亦異。君子則達向上去，小人則建從下來，蓋理本自高明。君子心平理已，向上矣。由是愈積累，則愈高明。直到理之極處，豈非上達乎？欲本污下去，小人心平，欲已趨于下矣。由是愈汨沒，則愈卑污。直到欲之極處，豈非下達乎？學者何可不慎所趨也。

析講大全朱子曰：凡百事上皆有達處。惟君子就中得人，高明的道理，小人就中得个汚下的道理。○胡氏曰：循天理，徇人欲，上達下達之原也。進高明，究污下，上達下達之寔也。○

蔡氏曰：天理本自高明也。君子猶仁義禮智之天理，故曰進乎極。仁極義極，禮極智高明之地矣。人欲本自汚下也。小人徇乎聲色貨利之人欲，故曰究乎滯聲惡色私貨邪利汚下之地矣。○註中高明汚下貼本文，上下字目進日究貼本文，達字。

### 古之章全旨

此見古今學者用心之異。同：一學也。而爲己爲人，之間古今之不同。如此分焉。學者賞鑒其幾，于用

心之初可也。鄱陽朱氏曰：此章卽人爲學之心，而嘆世俗之衰。

### 子曰古之學者爲己，今之學者爲人。爲夫

聲

程子曰：爲己欲得之於己也。爲人欲見知於人也。○程子曰：古之學者爲己，其終至於成物。今之學者爲人，其終至於喪已。愚按聖賢論學者用心得失之際，其說多矣。然未有如此言之切而要者。於此明辨而曰：

省之，則庶乎其不昧於所從矣。

參太全子曰：同此一个學，但學之者用心不同，在之學此者，與道進德其心要得之于己。今之學此者，明道進德其心要

求知于人其内外各寔之別如此

析講註中兩欲學是學的主意學不外致知力行今之學非不與古同只是學時立心有務寔務名之不同耳○孔子之時學者所學之事尚皆正學也如後世刑名術數記誦詞章之學則所學已與古人背馳何必更論其用心之同異○蔡氏曰此章言同此一學而心中所爲則不同如一言行也寔求尤悔之寡爲已也欲求聲譽之集爲人也推類可見○存疑雖云古今所學皆同然既有爲己爲人之分其工夫亦自不同所求亦異爲己者其工夫必深若已無寔得決不肯已必求到有寔得然後已爲人者外面粉飾以爲可以見知于人斯已矣其工夫必苟且糊塗矣不若爲己者之深切在也工夫深者必有寔得工夫苟且者必終于廢墮矣

蘧伯章全旨

此章以心字作主聖賢心交也使者能道其心故夫子亦心契而翼美之

## 蘧伯玉使人於孔子

使去聲

蘧伯玉衛大夫名瑗孔子弟子衛管主

於其家既而反魯故伯玉使人來也

序衛蘧伯玉一日使人來問侯孔子

析講顧麟士云鄱陽朱氏曰此章稱美下僚能知君子之心則此使亦非僕隸之謂也觀子華爲夫子使齊可見

## 孔子與之坐而問焉曰夫子何爲對曰夫子欲寡其過而未能也使者出子曰使乎使乎

與之坐敬其生以及其使也夫子指伯玉也言其但欲寡過而猶未能則其修身克己常苦不及之意可見矣使者之言愈自卑約而其主之賢益彰亦可謂深知君子之心而善於辭令者矣故夫子再言使乎以重美之按莊周稱伯玉行年五十而知四十九年之非又曰伯玉行年六十而六十化蓋其進德之功老而不倦是以踐履篤實光輝宣著不惟使者知之而夫子亦信之也

泰大公孔卒命之坐而問焉如對伯玉也曰爾夫子近自果何所修爲使者對曰吾夫子之所爲者亦無他惟于日用之間常常欲寡其過而勉強自願未能如其所欲也即使者之言觀之欲寡過則不自是不謂已能則不自足此簡身常若

不及之心也。進善其有第乎。使者出夫子有味其言而深賞之。曰其真可謂使乎。其真可謂使乎。非伯玉之賢不能如。此存心非使者之賢不能知。伯玉之心也。

析講蘧伯玉篤行慎德老而不倦。孔子在當時所與善者。子云齊則晏嬰於衛。則伯玉于鄭。則子產數人而已。夫子知伯玉有素何爲。是問近日所爲。以聖賢進修一日有一日工夫。意其近日所爲必有異於昔所親見也。寡過句是形容伯玉克己不及之心。猶云我夫子所爲惟欲寡其過而心常若未能也。此過字兼忿慮言行說。須切大夫言寡過未能是伯玉一生心事使者窺見其心已自不凡而詞氣之間又謙和不追故夫子與之使乎。內兼此二意。胡氏曰使者不以伯玉之德著。見于外者言而以伯玉之心克治于內者告且曰欲而未能不獨其言謙抑卑下而深有得于聖賢爲已之學常如不及之意可謂知德而能言者矣。欲寡句十個字要一下氣讀。身過易遣心過難除。欲寡自愈見其未能。未能當云愈克治愈覺叔東之難盡誣。當若不及正是從身上自覺未了。

子曰不在其位不謀其政。出

君子章全旨

此揭君子之知止也。位卽所也。思不出卽止其所也。時說並把素位而行入識。不知此位字與素位而行位字不同。彼位字以地位言。此位字以身之所處有當然不易之理。言當以艮字。理會艮者止而不動之意。

曾子曰君子思不出其位

此艮卦之象辭也。曾子蓋嘗稱之。記者因上章之語而類記之也。○范氏曰物各止其所而天下之理得矣。故君子所思不出其位。而君臣上下大小皆得其職也。

合案曾子述艮卦之象詞以示人曰。心之所慕謂之思。身之所處謂之位。以內當思位以外不當思思之卽爲出位矣。是故君子觀艮止之象而夙夜圖維只在位之中不在位之外。位之所不居思之所不在也。惟隨身所當盡之道以返求之心而已。何嘗有慕外之思哉。

析講大全張氏曰位非獨職位大而君臣父子微而事一物當其時與其地皆位也。饑氏曰不出其位如爲子則思孝。

爲臣則思忠之類皆是○

胡氏曰要體處止之義身之所處

止其所心之所思亦其所也○君子心止其所特行而行時止而止據見在之位而思違之不惟盡其分而且定其心也附錄易程傳上下皆山故爲兼山重艮之象也位者所處之分也萬事各有其所得其所則止而安恭當行而止當速而久或過不及皆出其位也况踰分乎折衷上下皆山有止而不過之意君子觀其象而知

天下事理皆如此故其思如此

恥其章全旨

此見君子矯輕警愒之心也恥字迴字全在心上說觀詳中不敢字欲字可見恥之者恐其言之浮於行也過之者欲其行之浮于言也較敏慎更深此以己能者言乃君子之所以爲君子也

子曰君子恥其言而過其行

行去聲

恥者不敢盡之意過者欲有餘之辭

衆家引子曰言易於行難盡君子則恥其言若有所愧怍而不力

使有餘而過其行必欲其剛勉而不使不足此其所以爲君子也

子曰君子道者三我無能焉仁者不憂知者不惑勇者不懼

知去聲

自責以勉人也

衆家引子曰君子所以備德于已而爲道者三反之于我未有能焉三者誰何仁知勇是也仁者理足以勝私處順逆而心不憂我未免于憂也則于君子仁之道無能也知者明足以燭理遇事物而心不惑我未免于惑也則于君子知之道無能也勇者氣足以配道義任重大而心不懼我未免于懼也則于君子勇之道無能也敢不勉哉

析講大全朱子曰道體無窮聖人未嘗見其有餘也亦有勉進學者之意○道字虛下三句正是道仁知勇卽其會于君子之身而名之者也仁知勇卽于心自無憂惑惻惻之累不字須說得自然合來總成一个君子之道須累抱君子說上方與泛然立言不同多

## 子貢曰夫子自道也

道言也自道猶云謙辭○尹氏曰成德以仁爲先進學以知爲先故夫子之言其序有不同者以此參蒙引子貢曰此特夫子聖不自聖卽言如此也以賜觀之夫子于此三者蓋綽綽乎其有餘矣又何君子之道有不能焉者哉

析講聖心常虛故能自道註自道猶云謙辭謙字宜渾○疏曰體道而至于化則不自見其能子貢老矣夫子無能之語如見聖人之心體不覺直指曰夫子自道也

○道字當不得謙字而謙意寔在自道之中

## 子貢章全旨

此章見學當先自治總是不足他友人意賢謂自治有餘不暇謂自治不足總是抑十章勿說

## 子貢方入子曰賜也賢乎哉夫我則不暇

扶

方比也乎哉疑辭比方人物而較其短長雖亦窮理之事然專務爲此則心馳於外而所以自治者疎矣故寔之而疑其辭復自貶以深抑之○謝氏曰聖人責人辭不迫切而意已獨至如此

參序子貢平日好比方人牧數其短長恐非自治之切務也夫子姑以警之曰方人之事惟自治既優者能爲之賜務爲此賜也其賢乎哉工夫力量當有餘也若夫

我則于人之短長固未暇及之賜其知之否

析講陳氏曰我則無暇及他人言外之意謂方自治也○

## 子曰不患人之不已知患其不能也

凡章指同而文不異者一言而重出也文小異者屢言而各

出也此章凡四見而文皆有異則聖人於此一事益屢言之其丁寧之意亦可見矣

參序子曰大凡世之知譽于己無涉故不患人之不已知惟其學焉而不能明理行焉不能處寔此其足患也君子求在

我而已

析講患其不能全是求其所以能處之學者常以人不已知爲患而不以己之不能爲患故言此以醒之

### 不逆章全旨

此爲人以察察爲明者發總是一貴自然之明不可以誠明並說

### 子曰不逆詐不億不信抑亦先覺者是賢乎

逆未至而迎之也億未見而意之也詐謂人欺已不信謂人疑已抑反語辭言雖不逆不億而於人之情爲自然先覺乃爲賢也○楊氏曰君子於誠而已然未有誠而不明者故雖不逆詐不億不信而常先覺也若夫不逆

不億而卒爲小人所罔焉斯亦不足觀也已

參大全子曰自人心漸趨于僞其詐而欺我不信而疑我者亦勢所必有也但天下之人防範過密者多億詐之札而非

自然之覺其不逆億者又墮小人之計而終無所覺皆不足以貴也有人于此初不逆料人之我欺不億測人之我疑而於人之疑與不疑欺與不欺抑亦到面前自然先覺者此是心地光明物無遁炤的人豈不爲賢乎

析講勉齊黃氏曰詐不信難以事見而可以理知不逆不億待物之誠也先覺燭理之明也逆詐如人在室外而料室中之虛寔先覺如明鏡照物而物無遁形此非格物致知洞悉明智者不能也○陳氏曰逆億者私見之紛擾先覺者真見之昭徹固不先事而預料小人之爲奸亦不臨事而墮于小人之奸其斯爲誠而明之君子乎○先覺是說非億度之知乃明炤之知耳億度有心明炤無心○麟士曰按說叢不逆詐至先覺者作一句讀極妙蓋如此則者字寔落青微一个字微一轉剔精神微動在此○是賢乎猶云如此乃可貴耳不作人品說○先覺內註中兼情僞言之猶云詐與不詐信與不信見便自覺得也原不專泥定覺其詐不信一邊說須善會之

微生章全旨

微生歎徒泥于無道則隱之說而不知聖人以道易天下之心以固爲疾全是自明心事非疾微生

之固也

微生畊謂孔子曰丘何爲是栖栖者與無乃爲佞乎

與平聲

微生姓歎名也歎名呼夫子而辭甚倨蓋有齒德而隱者也栖栖依依也爲佞言其務爲口給以悅人也參太全微生歎方以退隱爲高見孔子歷聘擬其以口給取悅謂之日時不可爲斯可已矣丘子列國何爲是栖栖然依戀不舍歎毋乃爲佞以求用于世乎殊不知聖人可代則仕可止則止如天地四時之變化豈若小丈夫之執而不通耶

孔子曰非敢爲佞也疾固也

疾惡也固執而不通也聖人之於違

衆陳氏子荅之曰夫人立身待人自有中道丘之爲是栖栖者非敢爲柔俊希世之事也亦疾夫固執太過不通于世用也若以天下無道而棄之則是固矣子其知我乎

析講世道有升降全在吾人力挽之若干高尚其譖與易夫子毋固故周流于列國微生却譏以爲佞非其肯矣故夫子自明之固字有望望然之意與栖栖相反疾夫固而不爲故不得不栖栖耳語意正相對○饒氏曰此二十句

非徒解佞字寔發明以道易世不得已之深心

此章明才德輕重而致勉人之意○驥有德亦有力然其所以得驥之名者不以其力之任重致遠以其德之

調良馴習者也彼夫君子非無才然其所以得君子之名者

驥善馬之名德謂調良也○尹氏曰驥雖有

力其稱在德人有才而無德則亦奚足尚哉參大全子曰均是馬也而馬之良者爲驥驥美稱也驥非無力然其所以得驥之名者不以其力之任重致遠以其德之調良馴習者也彼夫君子非無才然其所以得君子之名者

子曰驥不稱其力稱其德也

不以才而以德亦猶是耳

卷之三

胡氏目

析講此卽詩之比體。君子才德意在言外。○胡  
調者習熟而易控御也。良者順服而不躁亂也。  
此章見報應貴得其宜世人有心於

**或曰** 章全旨厚而反失其平聖人酌其平而不失其爲厚只重以直報怨上而以末句足之朱子云通章只論報怨之道報德帶說

或曰以德報怨何如

或人所稱今是老子書德譏恩惠也  
參卓或以人情仇怨相尋乃爲之間曰人惟恩怨之心太明  
故忠厚之心日薄若於人之有怨于我者竟若忘焉而以德  
報之何如

**子曰何以報德**

言方其所忿自以無報之矣則人  
之有德於我者又將何以報之乎  
創於予白報施貴得其平以德報

一一件可以報德亦以德報則等于怨欲別  
于怨又窮于報是薄于德而厚于怨也

以直報怨，以德報德。

於其所怨者愛憎取舍一以至公而無私所謂直也於其所  
德者則必以德報之不可忘也或人之言可謂厚矣然以  
聖人之言觀之則見其出於有意之私而怨德之報皆不得  
其平也必如太子之言然後二者之報各得其所然怨有不  
讎而德無不報則又未嘗不厚也此章之言明白簡約而其  
指意曲折反復如造化之簡易易知而微妙無窮學者所密詳玩也

皆所當報則以德報之可矣若必以德

報怨是亦私意所爲非天理之正也

析講怨不必說到君父之仇只是尋常小怨故理當愛取卽愛取理當憎食卽憎舍一似忘其怨一般方是以直報直字中有多大少含蓄當報而報不當報而不報皆在其中陳新安曰怨有不必報者不以仇待之也朱子曰以直報怨如此人舊與我有怨今果賢謙則引薦之果不肖耶則棄之絕之是蓋未嘗有怨矣○以德報德亦非以私恩報公義也凡可爲他養力而不害義處必爲盡心竭力而扶持調護之也○筆記曰以直報怨何必以德報德哉以德報德何必以之報怨哉每句只換他所問一字便明

莫我章全旨

此夫子因世之好異而以反己之學示子貢當世稱爲聖仁稱爲生知何嘗無名譽莫我知是心相默契謂非患莫已知而有不平之嘆也首尾總是一個莫知總是一個反己自修未知我句

正與首句相應天知正是莫知處

子曰莫我知也夫

夫音扶

夫子自嘆以發子貢之間也

喪大全當時不惟門人知夫子別人也知道是

聖人

乃

夫子忽發嘆曰世之人其莫我知也夫

析講此句要體會詳意莫認作聖人因人不己知而有不平之嘆也子貢智足知聖然乎由多在高奇處求聖人而平淡中之精微則不知也故夫子自嘆以發其問

子貢曰何爲其莫知子也子曰不怨天不尤人下

學而上達知我者其天乎

不得於天而不怨天不合於人而不尤人但知下學而自然上達此但自宣其反己自脩循序漸進耳無以甚異於人而致其知也然深味其語意則見其中自有不及知而天獨知之妙蓋在孔門中子貢之智幾足以及此故特語以發之惜乎其猶有所未達也○程子曰不怨天不尤人在理當如此又曰下學上達意在言表又曰學者須守下學上達之語序學之要蓋凡下學人事便是上達矣天理然習而不察則亦不能以上達矣

叅朱子子貞怪而問之曰夫子道德高厚如此宜有以致人之知矣人何故其莫知子也子曰夫人立異以爲高者始足致人之知也我之所爲異于子是矣彼窮通出于天也我也遭時之窮不得于天亦惟反已有歟矣何敢以怨天乎用舍係乎人也我也值時之舍不合于人亦惟反已有歟矣何敢以尤人乎但知勉于庸常之間致力于人事之近理有未知也必求知其所當知事直未能也必求行其所當行只在平寔卑邇處做工夫而埋得于深造之熟道融于真積之久自然知焉日精而至于知之至行焉日進而至于行之盡以上達乎高明焉要皆無以甚異于人而致其知也然則知我者其惟彼蒼之天乎我之所爲不違乎理則不違乎天而冥冥之中其有以鑒我耳人非天也而孰爲知我者哉此其所爲莫我知也

析講蔡氏曰何爲句言人所不知子者何在夫子遂指言人所以不知我者所以教子貞也○詳中反已貼不怨尤自脩貼下學循序漸進貼上達大抵怨天尤人者必不反已反已者必不怨尤反已而不怨尤自然盡自修之功而有漸進之請下學正反已之寔地矣下學只是說從卑近處用功夫如卑

用常行之際所當知當行者是也上達是由近而遠由卑而高以漸而進到知行之極也達字卽註中進字車解作明達之達不可從下學上達皆朴寔爲已而非有所動于人處風非所以致人知亦非人所得而知也夫子之所學皆天之理則子心與天心自相默契故曰天知而人之莫知不待言矣○人情有愆尤則必希世求合而學務標榜人或知之矣故荅莫知先從不怨尤說起不怨二句是言心不外求既忘外故但務心學下學是卽事卽物探討尋驗卽于學處有融會貫通之妙便是上達下學有工夫上達無工夫○夫子所答詞只是解何爲莫知子句○十五志學三章便是下學而不思而得不勉而中是也但在夫子口中不可說得於異耳○王觀灑曰知我其天不是夫曉得我葢天者理而已矣上達之妙與天爲一故惟天契此理知字卽契字○自不怨尤未一氣相承勿斷惟不怨尤但知下學而下學自然上達上達是我契天契天故天亦契我緊接到底我甚天何謠亦未能達命蓋賢人之進退關斯道之興廢寔

有命以宰之則得失毀譽但可置之度外惟聖人樂天知命故互言命以折之

公伯寮憇子路於季孫子服景伯以告曰夫

子固有憾志於公伯寮吾力猶能肆諸市朝

朝音潮○公伯寮魯人子服氏景溢伯字魯大夫子服何也夫子指季孫言其有疑於寮之言也肆陳尸也言欲誅寮衆序子路爲季氏宰有公伯寮者乃諱憇于季孫子服景伯心懷不平以其事告于孔子曰吾夫子固將因公伯寮之言而有中惑志矣讒邪害正法不可容以吾之權力猶能誣之以陳其尸于市朝而正其誣賢之罪也

析講太公周禮註有罪既殺陳其尸日肆○吳氏曰市朝不過連言之左傳晉殺三郤尸諸朝殺董叔于尸諸市賜者在市也

子曰道之將行也與命也道之將廢也與命也

公伯寮其如命何

與子一聲

謝氏曰雖憇之憇行亦命也其實憇無如之何憇謂言此以曉景伯安子路而警伯寮耳聖人於利害之際則不待決於命而後泰然也

參序子曰士君子抱道用世固其心也然世能信用道之將行也與命之通也世不信用道之將廢也與命之窮也曾非人之所能爲者夫由今日固有命存焉命果通也雖憇不使之廢命果塞也雖不憇亦不能使之興也

公伯寮其如命何哉子大夫其聽之耳

析講景伯之意雖善未免有尤人之心故夫子以命釋之道之四句處說末句方寔說其如命何見不足與之較世命以氣數言爲衆人設也如此章命也是爲景伯說如夫子有命是爲禍子張說朱氏公遷曰孔子兩言甚如予何一言真如命何如命何是我之命在天如予何是天之命在我

賢者章全旨此章卽出處去就而見隨時之義○大公全黃氏曰

之宜可也

子曰賢者辟世

辟去聲下同

天下無道而隱若伯夷太公是也  
參序子曰賢人之出處去就惟其所遇之時不同故其所處之處亦異有見舉世無道則避而隱身不出者

析講如辟紂而居東海北海之濱者

## 其次辟地

去亂國適治邦

參序其次或見此地無道則辟去而之他邦者

析講如百里奚去虞之秦

## 其次辟言

禮貌衰而去

參序其次或以其國之君交接之禮貌既衰知其意不在我也則去之而辟色者

析講如衛靈公顧翟鷹而色不在孔子遂去

## 其次辟言

有違言而後去也程子曰四者雖以太

小次第言之然非有優劣也所遇不同耳

參序其次或與其君言語不合知吾之說終不行也則去之而辟言者蓋時之所遇不同而處之各異如此皆以道自重不輕于猶世者也世有此人世道之衰可知矣

析講如衛靈公問陳而孔子遂行。據賢者一丁字

賞金鬼其次指辟之次第言非以賢之次第言

作者章全旨此夫子慨世道之衰不重賢者見幾而作

上曰矣者嘆詞有天地間賢人隱之傷

## 子曰作者七人矣

李氏曰作起也言起而隱去者今七人矣

不可知其誰何必求其人以實之則鑒矣

參序子曰君子一身與斯世相關者也故君子之出處可以上

世道之盛衰今起而隱去者有七人不爲不多矣世道之可

憂何如哉

析講作是見幾而作有高蹈遠引而不復出之

意與上辟字不同蓋辟則猶將待時而出也

子路章全旨此節明是譏孔子不可爲而惡爲之必強作知孔

子語者非是○慶源輔氏曰賢者之視天下有不

可爲之時才力有限也聖人視天下無不可爲之時其道無所不可也

子路宿於石門晨門曰奚自子路曰自孔氏曰是知其不可而爲之者與

與平聲

石門地名晨門掌晨啓門蓋賢人隱於抱闕者也自從也問其何所從來也胡氏曰晨門知世之不可而不爲故以是譏孔子然不知聖人之視天下無不可爲之時也

參序子路從太子周流偶宿于石門之地掌晨啓門者問曰汝從何人而來曰我從孔氏而來曰君子相時而動彼孔氏者其正知時事之不可爲而猶栖栖皇皇以爲之者與子之從之亦勞甚矣噫聖人視天下無不

不可爲之時晨門何漫相譏也

析講存疑時至春秋雖是很狼然使聖人見用自然

換亂世而反之正故聖人不患于無時而患于不用之

子擊磬全旨

此章見聖人未嘗一日忘天下以有心作主荷費

聖人有心顧識其有心夫子固自表其不能無

子擊磬於衛有荷費而過孔氏之門者曰有心哉擊磬乎

荷夫子之聲

磬樂器荷擔也蕡草器也此荷蕡者亦隱士也聖人之心未嘗忘天下此人聞其磬聲而知之則亦非常人矣參注說聖人之心未嘗一日忘天下且在衛偶然擊磬其憂世之心已寓于磬矣乃有隱士荷蕡而過孔子之門者聞其聲而知之曰有心于世斯人之擊磬乎

析講金氏曰磬編磬也以五爲之磬以止樂夫子之心欲止亂磬爲角角以爲民夫子心乎爲民故擊之。有心就磬聲上見此只是知夫子不忘天下之心不肯罷的意思非真知其憂世之心也此處尚不是譏下節左譏之。問聞聲如何便知夫子之心不忘天下朱子曰如古人于琴聲中知有殺心耳。翼註夫子心在憂世磬聲想悽愴故荷蕡知之

既而曰鄙哉硁硁乎莫已知也斯已而已矣滾

四書解卷之十一

則厲淺則揭 碰苦耕反莫已之已音一

紀餘音以揭起例反

碰碰石聲亦專確之意以衣涉水曰厲攝衣涉水曰揭此兩句衛風匏有苦葉之詩也譏孔子人不知已而不止不能適淺深之宜

參淺訥既而譏曰斯人也鄙哉碰碰乎何其專確固執而不達夫時宜也君子相時而動夫世莫已知而不之用也斯而已潔身以去可矣吾聞涉水者深則厲淺則揭夫涉水者必視水之淺深以爲屬樹則君子處世當視時之治亂

以爲進退今人莫已知而不已何其昧于淺深之宜乎析講上是驟聽而知其心存于世此是諦聽而知其心之切于用也故以碰碰譏之碰碰且空說下四句正是專確處引詩見當止而止正與碰碰相反○褰裳涉水由膝以下曰揭褰衣涉水由帶以上曰厲○鄙是譏其識之不達碰碰是病其守之太堅○引詩只作自家語勿寡譏是詩詞言涉水者尚知淺深之宜用世者乃可止不比何不自己度量勿以淺深分離

子曰果哉末之難矣

果哉嘆其果於忘世也末無也聖人心同天地視天下猶一家中國猶一人不能一日忘也故聞荷蕡之言而嘆其果於忘世且言人之出處若但如此則亦無所難矣合參夫子聞其言而嘆曰斯人也何其果於忘世哉若但果于忘世而決去不反凡稍知自潔者便能之未之難矣唯是世有忘我之時而我時存憂世之念必欲舉天下之無道而易之此其所以爲難也彼以可已不已議我者亦未知我之心矣

析講果哉是嘆荷蕡末之難句又是自表心事○末之難矣言但要如此果于忘世此亦何難只是天下不可忘吾寧爲其難耳

子張曰書云高宗諒陰二年不言何謂也

高宗南王武丁也諒陰天子居喪之名未詳其義

子張章全首

子張疑人君不居于三年不言故孔子與他說所以得三年不言之故蓋古制也

參序子張問曰尚書云商君小乙薨高宗居喪諱陰三年不發言語夫人君三年不言則號令莫出臣下何所稟否不識書之旨何謂也

析講覺軒蔡氏曰書云王室憂諱陰言居喪于梁闇也○顧麟士曰白雲許氏云凡居父母之喪次在中門外東牆之下大夫士居倚廬謂以兩木一頭着地一頭紲倚在墙上外被以茅茨寢苦枕瑰嘗處其中諸侯亦爲倚廬而加以蓋圓章天子既立柱前有梁形稍如屋楣故曰梁闇

子曰何必高宗古之人皆然君薨百官總已以

聽於冢宰三年

言君薨則諸侯亦然總已謂總攝已職冢宰太宰也百官聽於冢宰故君得以三年不言也○胡氏曰位有貴賤而生於父母無以異者故三年之喪自天子達於庶人子張非疑此也殆以爲人君三年不言則臣下無所稟命禍亂或由以起也孔子告以聽於冢宰則禍亂非所憂矣

參序子曰居喪三年不言何必高宗爲然古之小君居喪皆

然考之古禮君薨嗣君居廬守喪不親政令百官各總攝已職以聽處分于冢宰如此者三十年夫旣有冢宰可托則嗣君雖不言何憂國事哉此其所以得三年不言也

析講嗣君委君道以伸子道百官盡臣道以成相道○總已者各治其官也如錢穀兵刑之類各檢束前政聽冢宰處分之後仍命百官分理而冢宰考其成非冢宰兼百官之事也

上好章全首

此欲人君以身作則之意禮主名分  
一邊說精神全在一好字好主心言

子曰上好禮則民易使也

始易皆去聲

謝氏曰禮達而分定故民易使

參大全子曰爲國以禮爲上者果能心誠好之修之于身而視聽言動必以禮達之于政而訓方正俗必以禮則民之觀感于下者亦皆知尊卑貴賤之等而安于事使之分不待刑駕勢迫自無不聽上之命而易使也

析講大全蔡氏曰禮者人性之節所以辨上下定民志一定而不可易者也但上不好則禮爲虛文民或貌從而心拂故

難使耳。今上好禮，章輶率物，一皆誠心之所設施，有以觀感于此，則民皆遜志于禮，自以爲理當然也，而非趨勢所迫也。

故易使○問禮何以使之達雙峰饒氏

曰官府之政學校之教皆所以達之

### 子路章全旨

通章只重修己，以敬，一句修己，以敬，而安人安百姓俱在其內，蓋人與百姓未安，便是敬之未至。君子修己之敬，是聖賢成己成物，微始微終，學問能敬，則百事皆知明處當而所以安人安百姓之理，不外是焉。夫子不過因子路之間，而以功效之及物者言之，雖有大小遠近之差，然皆不離修己以敬，非直待予擴之而後大推，  
之而後遠也。末二句不重堯舜重不可復加意。

子路問君子，子曰脩己以敬曰如斯而已乎曰脩己以安百姓堯舜其猶病諸

脩己以敬，夫子之旨至矣盡矣，而子路少之，故再以其充積

之盛，自然及物，蓋告之無他道也。人皆對已而言百姓，則君乎人矣。堯舜猶病諸，不可以有加於此，以抑子路，使反求諸近也。蓋聖人之心無窮，雖極冷然，必知四海之內，果無子物，不得其所哉？故堯舜猶以安百姓爲病若，且吾治已足，則非所以爲聖人矣。○程子曰：君子脩己以安百姓，篤恭而天下平，唯上下一於恭敬，則天地自位，萬物自育，氣無不和，而四靈異至矣。此體信達順之道。

聰明睿知皆由是以出，以此事天饗帝。

合參子路問何如爲君子，子曰：人之成德，不出於心，所謂君子者，其用功惟在修己，而其修己也，三才平敬，戒慎，毋懼，無時，少懈，則天理存，人欲遏而德無不成矣。君子之所以爲君子者，然也。恭敬該動靜，合内外，徹上下，所以齊家治國，平天下，之本舉積。諸此子路不喻，而少之也。曰：君子之道大矣！如斯而已乎？子曰：對已而言，則有人以已觀人，則已之道，即人之道也。果敬極其至，而靜虛動直，施焉無不當理，則一敬所生，自然及物，雖以之安人，不外是矣。子路又曰：君子之用宏矣，如斯而已乎？子曰：盡乎人，則爲百姓以已觀百姓，則已之道，即百姓之道也。果敬極其至，而施爲當理，則一敬所極，無

物不被雖以之安百姓不外是矣夫修己以安百姓此等功效之大雖堯舜之心其猶以爲病諸不敢爭謂己治己安天下以二聖之所病者而一修己足以致

乏則修己以敬豈不足盡君子乎

析講黃氏曰非謂修己以敬之外又有充積之功也修己以敬而可謂君子則是充積之盛在其中矣特其功效之遠則良其充積之盛者而出耳修己以安人安百姓猶曰修己而可以安人安百姓也○右疑敬哉動靜者自思慮未萌以至于萌動皆此敬也合內外者自一心以至于萬事皆此敬也微以下者自一身之修以至百姓之安皆此敬也○君子分量經綸參贊皆其分內事然未有出于己之外者故夫子告子路只修己二字以敬是修己的方法下兩修己內皆有敬字以敬以身有工夫以安以字無工夫修己以敬則以之安人安百姓無丁道也安字不主感化言卽是敬之知明處當處朱子云发人則修己之餘而敬之至也安百姓則修己之極而发人之盡也因子路問不置故以此告之○蔡氏曰敬是戒懼慷慨常惺惺法使昏昧放逸之私無自而起心無不正身無不修是謂修己然此已非一膜之已敬亦非敬守之

敬己而行卽是人所受心不慢人不輕一物齊治平無非此心貌業之所運用修己卽該安人安百姓安人安百姓乃見修己之全總括在敬修一句內卽所以爲止修于己故少之未予告以修己卽所以安人父母安人故告以修己卽所以安百姓此非說修己效驗以說修己全也堯舜猶病者惟其以安百姓爲修己百姓未能盡安卽己終有未修故堯舜猶以修己爲病終身以敬修己而無一息之間斷也子路奈何少之○下夫全在修己上安人安百姓蓋其充積之盛自然及物也不是我修己特地夫安人安百姓○人情敬則百事皆當不敬則百事皆不當此修己以敬所以有安人安百姓之理

原壤章全旨

此見孔子待故人之道幼而三十

原壤夷俟子曰幼而不孫弟長而無述焉老而不死是爲賊以杖叩其脰

孫弟並去聲長上聲

原壤孔子之故人母死而歌蓋老氏之流自放於禮法之外

者夷蹲踞也俟待也言見孔子來而蹲踞以待之也述猶稱也賊者害人之名以其自幼至老無不善終而久生於世徒足以敗常亂俗則是賊而已矣脰足骨也孔子既責之而因以所曳之杖微擊其脰若使勿蹲踞然亦

然蒙引原壤聞孔子來序伸兩足箕踞以待之孔子見其無禮責之曰人之生世方其幼也有長者在上則當孫弟長而成人則當有以自立使人有所稱述汝幼少不順弟子長上及長而無德行可稱述今老則不如早死免得久辱身世愧爲風俗之蠹而又不死不循禮教敗常亂倫是爲風俗之害也已既數責之又責杖微擊其脰令不踞也

析講按原壤母死孔子助之沐櫛壤登木而歌曰禪首之卉然執女手之眷然夫子爲弗聞也而過之今乃責其夷俟何耶恭母死而歌其過大聞之則壤爲當絕夷俟之過小責之則壤尚可容聖人用心之忠厚如此夷俟不是特意慢夫子只是他平日放達習與性成如此○或問以壤非可言踰者故叩其脰而責之是不然也禮六十杖于鄉七十七杖于國此蓋孔子自衛反魯之後曳杖而出適見原壤之夷俟因數其失遂以所曳之杖微擊其脰使飲足而不蹶耳豈其不可

言踰而反叩奮然遲挺以舉之歟○解士

云老而不死何是爲賊句不可十字連上

闕黨章全旨

通章以禮字作主童子不循禮故夫子欲使之贊禮習禮內有抑其虛懷長其德性意不徒以譏文

疑此童子學有進益故孔子使之傳命以寵與之也

參序闕黨有童子來學于孔子孔子使之傳命主往來之命意益有在也或人不知問夫子曰傳命非易事也此必童子學有進益者與故以此寵與之也

子曰吾見其居於位也見其與先生並行也非求益者也欲速成者也

禮童子當隅坐隨行孔子言吾見此童子不循此禮非能求益但欲速成爾故使之驗使令之役觀長少之序習揖遜之

容蓋所以抑而教之非寵而異之也

參大全子曰非也禮童子當閑坐而此童子吾見其居于正位也而閑坐之禮不循矣童子當隨行而此童子又見其與先生並肩而行也而隨行之禮不循矣有疎等之意無自卑之心此非能以謙受而求學問之進益者也勿欲速進于成人之列者也吾故使推命先生之以應幽進退之事所以長愛敬之端防教惰之萌而使之循序以進也豈寵而異之哉

析講謙能受益童子不謙而傲故曰非求益者也此一句重正與益者與相應成二字乃成人之成對童子看非學問有成也未補抑而教之之意○先生只是弁良非是師也○

記檀弓曾子疾童子閑坐而執燭火王制父之齒隨行

論語卷之七

早稻田大学図書館

011888004086